



擷芳集卷之七十一

古歙詔菴汪啟淑選

靜照

字月士順天宛平縣人俗姓曹前明宮人李自成犯闕隨內監劉至南京乙酉後祝髮爲比丘尼順治初尙存著有宮詞百首

宮詞 選六

到面東風只自知燕花牌子手中持椒房領得金龍紙  
勅寫先皇御製詩

一樹寒花冒雪開幽香寂寂映妝臺女官爭簇傳呼近

知是鸞宮選侍來

寶妝雲髻鞞金衣嬌小丰姿傍玉屏新入未諳宮禁事  
低頭先拜段純妃

口勅傳宣幸玉熙樂工先候九龍池裝成傀儡新番戲  
盡日開簾看水嬉

閱遍司農水旱書君王減饕復齋居御厨阿監新承旨  
來日羹湯不進魚

儉德慈恩上古稀他方織錦盡停機赭黃御服重經澣  
內直才人著布衣

再生

江蘇長洲縣人俗姓姚名媯俞字靈修詹事姚

文毅公希孟女孫也著有再生遺稿

練音續集姚媯俞字靈修姚文毅公希孟女孫  
言笑不苟詩文一本家學嫁侯文學演演從父  
死遂祝髮為尼改字再生學出世法  
終老於佛燈經几間著有再生遺稿

早春卽事

烟鎖虛窓展素緗微風吹到落梅香孤懷待月惟枯坐  
餘恨添眉却晚粧舊事不堪重省憶新詞漫自費平章  
黃梁一夢從今覺願息塵機禮法王

不寐

殘燈一點燕孤檠門外蕭蕭落木聲風動庭梅踈影亂

掛卷集 卷八十一  
露凝修竹暮寒輕支離瘦骨惟供病牢落愁懷豈爲情  
此夜酒醒魂斷處半簾明月夢無成

仲春十五夜友人山中言旋即別寫懷

白雲天末和愁低無限離懷怨曙鷄煙柳河橋殘月小  
踈鐘古寺曉風淒百年幻影花枝老二十浮生草路迷  
一葦江頭如可折竺乾西去待相攜

寒夜書懷

寂寞青燈夜未闌半生心事獨盤桓煙波縹緲魂非遠  
人事悲涼歲欲殘素志應同明月皎離情還共白雲漫  
良宵剪燭歌行露松竹蕭森起暮寒

德容

本姓朱名又貞浙江嘉善縣人性極孝嘗笑不  
苟十六適張我樸閨中賡唱聞者艷之嗣值張  
君爲科場被分房所累全家發配又貞上疏捐  
軀贖罪少延姑舅殘年後爲尼著有璇閨詩猗  
蘭幽恨歸雲等集

泣懷四言詩

魏里我朱世稱名德父舉孝廉儀型南國先慈割股善  
爲內則八兄二弟甲科聯捷猶子繁衍勤書晨夕父半  
百年始生又貞弱女非男訓護慰情稍讀經史志古閨

英十五而笄清河于歸十五遵教姑嫜是隨操持佐饋  
夙夜無違熊羆三夢今始一垂綠林不靖湖渚鋒鏑囊  
爲盜齋牛衣相泣良人砥志下帷屏跡瑤章珠賦聲動  
都邑戊子之秋幸宴鹿鳴長歌遠寄鄭重前盟壬辰登  
第筮仕廷評繼美釋之張先後稱丁酉維憂泛舟來都  
相敬未暖旅魂乍蘇忽令分闈校檢羣儒維我夫子能  
文有耻秉矢公明冰寒立志上嚴功令下畏多士勤慎  
勿懈月餘竣事豈知同案貪心敗類庸違象恭實懷狂  
悖羣凶飛語如霾如葦緹騎在門去不及訣五毒倍至  
百喙莫雪事若風影罪不例律嚴行示懲西市引決禍

起黨同古今一轍余念致命割血流裾九閭間隔囚安  
上書七人同盡遑辯真虛家產寥寥雞犬盡沒桑榆老  
親亦旦暮活相逐邊塞念此神奪求榮反辱遂付剃髮  
繡衣永訣袈裟相接拔幽報存叩金經力嗟乎薄命家  
鄉萬里身獨羈囚飢寒泣涕南望白雲淚零待徙不如  
鳥雀去來迤邐我思刑書國之鉞斧虛實按情輕重有  
故雷霆振聲頃刻雨露同罪諸臣悉蒙恩宥嗟我所天  
先受刑苦聖人刑法萬世則祖雷不崇朝豈忍終怒用  
法有律手足乃措皇皇百執矯矯直臣一夫不獲亦疾  
于心有此沉寃充耳不聞折檻回天祐我後昆夫縱有

掛天集 卷十一  
罪死卽平允老親斃獨周文所憫茫茫塞北坎坎艱屯  
行同飄蓬到亦顛損枯窮至此死之安忍

惜籠中鳥自喻

千里朝鳳唱和遙誰憐孤鶯禁樊牢貞心甘守籠中日  
再世齊鳴共九霄

梅花

蝶夢三春淚落花風飄餘粉謝鉛華天生玉色菩提片  
踈影幽窓獨自誇

茉莉花

冰姿玉骨淨塵烟南國攜來種自妍花史高名空第一

只今誰識藐姑仙

對良人小像泣感

對影依稀恍若君欲言不語况慙歎稱觴舉案惟形筆  
賴是相逢畫裏人

七夕二首

玉露金風報素秋穿針樓上獨含愁雙星何事今宵會  
遺我庭前月一鉤

織女牽牛送夕陽臨看不覺鵲橋長最傷今夜離愁曲  
遙對天涯愈斷腸

秋色有感二首

揚芳集 卷十一 五  
征帆濕淚帶秋風客路愁思旅况同無限憶君傳織錦  
有情長寄白雲空

昨別離魂不覺愁鐘催殘月憶悲秋思君空館應無語  
南望多情似水流

憶母

拜別慈幃一月餘堪憐弱質遠驅馳北堂萱草今安否  
但願棠荆好護持

憶兄

蛾眉愧不列鬚眉未得吹簾洽古嶽况復孤舟八萬里  
春令原上白雲飛

憶姊

姊妹花開種繡房徐娘空復字秦郎愧從四女祠前過  
膝下而今少一行

憶兒

坐憶雛兒淚滿裳天涯一望水茫茫臨行珍囑休懸念  
多識之無字幾行

安生

江蘇洞庭山水月菴比丘尼善鼓琴二十而歿  
詩見七十二峯足徵集

詠蠶

甕繭空傳異人衣豈誑天只應方老病

放翁詩衰病未

合喻叅禪

傳燈錄坐禪蠶吐絲自縛

死去悲絲盡甦來羨翼全本無

鱗角勢雪覆亦徒然

朱夫人惠碧螺春

綠潤涵靈氣清芬帶露華翠微新雨歇雲竇古根斜沸

鼎看魚眼擎杯吸乳花多君緘贈我應自勝流霞

輓旃那

玉容從此謝空華小閣遊絲護碧紗宛轉曾遮松下扇

清幽誰供佛前花蒲團初撤憐春月貝葉空遺映晚霞

幾處香温悲手澤青鞋倚壁冷袈裟

吳氏

山東濟寧州人

辭世偈

風捲雲霧散明月碧團圓了然無罣礙池內現金蓮

現果隨錄媪吳氏濟寧人隨夫唐某至松江初性極剛暴獨好佛年四十三歸依水鏡禪師遂持長齋晝夜持誦金剛經不下小樓者六載至四十九忽告人曰吾某日去矣經云金剛不壞身吾去後可留身三年若果不壞經方靈驗遂說偈云云遂命削髮跌坐而逝越三年啟龕果不壞頂髮長半寸提督梁公遂為漆身建庵供養額曰坐化今在府學宮側

上鑒

號輝宗俗姓吳名琪字蓋仙別字佛眉江蘇長



洲縣人方伯挺庵先生之孫女也。蓋仙生而穎悟五歲過目成誦，髫齡而工詩及笄而能文章，尤精於繪事。一時女郎脫簪解佩，求其片紙者，日相望。適管君名勳，字宇嘉者，管固貴公子，且時彥也。嗣是繙書賭茗，掃黛添香，二十年如一日，居無何，夫死於官室，家了不可問。蓋仙以一日女子支離，困頓于荆榛豺虎之交，然時與二三閨友，撫絲桐而弄筆墨，意殊慷慨，不作兒女態也。慕錢塘山水之勝，乃與才女周羽步為六橋三竺之遊，晤慧燈禪師為故大夫若青公季女。蓋仙遂洗心皈命，于是大張蘭若，慧燈令之薙髮，命名上鑿蓋，不復問人間事。云著有香谷焚餘草。

陳維崧婦人集茂苑吳蓋仙名琪，才情新婉，當其得意，居然劉令嫺矣。與飛卿著有比玉新聲集。蓋仙尤好大畧，精繪染，飛卿贈詩云：嶺上白雲朝入畫，樽前紅燭夜談兵。蓋實錄也。圖繪寶鑑：吳琪字蓋仙，善畫，有女中七才子集行世。琪其一也。蔡含師之西臯外集：閨詩多有帶英氣者。王季重先生女題：蘭相如，傳有七寸小臣刃五步大王頭之句。一時稱其豪拔。管宇嘉從洪承疇軍，其妻吳蕊仙送之一絕：萬里從軍急，孤身倚劍遊。家園落日裏，莫上最高樓。亦有英雄氣。色後管卒，設帳授女徒，終於尼。王士正題吳蕊仙畫詩：曉畫文殊淺，樣眉幾九螺。墨碧參差儂，今自作簪花格。不是當年衛茂

山中早梅雪後喜聞友任歸見訪

與君別江樹十年滯行跡忍使田園蕪可憐秋水碧道  
遠夢何繇鴈促音難繹一朝顧柴關白雲驚艷客澗松  
青若故野人貧似昔午飯供新葵晚香論周易早梅覆  
屋紅積雪映峰白一溪鳥語溶四壁琴書澤任運有虛  
舟放閒無火宅相對綠樽開起舞南山石

題畫

江樹迷離鷗自浴江雲飄盡春山綠渡頭小艇賣魚歸  
月映斜扉滿籬竹讀書樓靜倚欄杆一望烟霞碧落寒  
奇嶂插天藏古寺危泉懸壁露巖灘玉笙聲斷鶯啼處  
狼籍落花飛不去將身欲置畫圖間相與神仙覓往還

送別

雪意滿芳洲屏山引去舟霜花吹客夢笳月起邊愁萬  
里從軍急孤身倚劍游家園落日裏莫上最高樓

幽居志興

戢影衡門下悠然物外身擇林知鳥異藏尾識龍神山  
靜雲光活溪閒草色新廢琴兼病鶴相與得天真

村居

貧家風物厭鉛華波影浮來盡落霞夢裏青山閒歲月

鏡中人面想桃花秋燈病後惟餘硯春水愁多未浣紗  
枕上片魂誰喚起夕陽烟樹幾歸鴉

西山訪隱

人遠山深雲景新青溪石落晝烟晴飄殘絮影遙知柳  
啼遍桃花不見鶯香嶂開天春一線危崖飛瀑雪千層  
野猿見客如相識爲叩松關鶴自迎

感懷

鶴煮琴焚事已賒不堪回首數年華愁來有句留殘葉  
夢去無人問落花鳥惜晚香窺檻鏡婢憐新病鎖窻紗  
柳枝剩有蘇臺曲未審春風憶若耶

閨友見訪感舊

蓬門來訪碧山秋別久相逢話更幽紅葉隱燈疎雨亂  
白雲堆榻晚風留自埋書劍新篁寺誰倚琴樽舊畫樓  
料得百花洲畔月年年長照水空流

寄龔靜照

詩狂生性與君同遺世搜奇興不窮見說綠窻嫺劍術  
白雲深處禮猿公

秋蟬

咽柳鳴槐較恨多一聲聲送夕陽過朱樓盡是笙歌地  
不解悲秋奈若何

行剛

號祇園浙江嘉興縣人處士胡日華女出家居

梅會里之伏獅院著有語錄

馮李詩繫行剛號祇園嘉興人處士胡日華女嫁諸生常公振未期而寡中歲出家為僧通乘弟子住嘉興梅會里伏獅院有語錄

孟夏關中詠

百結鶉衣倒挂肩飢來喫飯倦時眠蒲團穩坐渾忘世

一任塵中歲月遷

王微

字修微江蘇揚州人號草衣道人自傷七歲嚴

父見背眉嫵間常有恨色適太僕寺許譽卿後

為女冠著有遠游篇閒草期山草

許豸修微道人生誌道人無任著常輕舟載書畫往來五湖間居西泠者其偶也客有言匡廬奇秀甲天下道人遠命駕往自冬徂夏盡三楚三岳而歸自言月下從開先寺看青玉峽道遇虎不怖至棲賢橋題字金井上白雲卷之飛已叅清大師受無生法傷樂天草堂圯解衣倡葺為設誓竹林伽藍而去采芝天柱峯頭三觀日出五龍一花披膚見髓尋入朱陵謁魏華存聽北寒玉女彈九氣璇受八素訣蓋飄飄然仙也道人常築室思以文杏為梁雲母為幄規連珠樹矩洩瑤泉然後瓊笈萬卷薰以龍腦襲以法函碧珖截硯琉璃貯匣硯中銀水滴則成押又欲製一船合元真子舡艦皮襲美五泄陶峴孟雲卿三舟為式布帆桂檝浮沉域外猝遇信父即迴橈避之然踪跡猶未離人間世也日使我仰擲雲輪手攜霄轡守胎靈而思錄氣逐毛

女而追飛猿不若凌波化醪逢巒剪翠伐木許  
許鳥鳴嚶嚶樂哉丹邱亦在尋常來往間耳道  
人夙敦然諾急人之困揮數千金無所吝惜最  
好金石羹鼎盤匱甌鬲殊凸班剝珪璧斷繡間  
亦隨手乞人不復留意性至孝不沐浴不奉母  
殮勿失父不知墓處涕泣飯命長齋繡佛刺血  
書諸品經皆以父故飯干僧于維揚作水陸大  
會卒感異夢薙而得骨人人以為孝感道人生  
平如此世之知道人者淺者以其詩深者以其  
俠而不知其有鴻黃窈窕之學絕類離羣之行  
或曰道人固文弱女子也安能卓絕如是噫使  
道人不女子者無其詩無其俠無其卓絕之高  
行矣一片巾幗世界反髮視此異人哉道人築  
生壙大橋之閒意不欲與蘇家松栢近子笑曰  
安之北武穆南忠肅其近之也亦既久矣乃叙  
述為誌而系以銘銘曰錦繖俗青塚枯五陵豪  
皆屠沽三生石亦樵蘇闍虎豹役鷗鳧劍氣中  
玉烟多誰可比天為徒趙臺卿可空圖彼女子  
此丈夫

五茸志逸王修微從西子湖入雲間才子慕之  
輻輳兩涯之間修微拂曙峭帆柳塔矣因訪眉  
道入于白石山寮燒燈市魚詩酒以外不暇及  
也此來如鴻飛雪中莫可踪跡作點絳唇一詞  
記之云涼雨初晴放舟獨坐遊三泖寺門僧少  
一點鴻來攪返入空山竹底柴門小杯兒倒燈  
前句好雪裏留鴻爪仙翁笑倒用志如君少有  
甚風吹來了日月忙乾坤小利名擾擾還是閒  
人好不妬不貪不老醉薰薰沒昏曉洞門深杏  
樵牧何曾擾一片野雲縹緲白的猿青的鳥山  
圍水遶圖畫天然巧寸寸  
異花香草地無塵松枝掃

### 重過雨花臺望春江有感

春恣靜東岑雲影結遙燦坐覺高臺空不知翠微半落  
花自古今啼鳥變昏旦撫花良易遷卽事聊成玩况乃  
晴江開綠波正拍岸

舟次江滸

一葉浮空無盡頭寒雲風切水西流蒹葭月裏村村杼  
蟋蟀霜中處處秋客思夜通千里夢鐘聲不散五更愁  
孤踪何地堪相託漠漠荒烟一釣舟

冬夜

獨坐渾無語含顰應有思私心自不寐何事倩君知

秋日閒賦

露寒殘月上蒹葭近日離魂未有涯寂寞經年人不見  
空房夜夜數歸鴉

維極

浙江仁和縣人卓錫於雄聖莽著有詩文語錄

惜已失傳

仁和縣志雄聖尼菴在義同坊女僧維極卓錫  
地也極以童身嗣法于雪竇石奇雲和尚順治  
丙申應侍郎嚴沆儀部丁澎請為開戒說法一  
日貴家親粧而來極曰何來曰拜佛極大喝曰  
汝家有佛諸女言下頓悟康熙壬子秋圓寂建  
塔龍居塢丁澎為撰碑銘嗣法超越為武昌郡  
丞林杞女能繼法廣纂  
極詩文語錄傳于世  
詞苑叢談姚江女師維極幼歲栖真頓悟元妙  
微言清雋尤工詩詞其咏梅云春來了鶯來了  
凍解霜枝小萼新姿巧聽雁云擣衣聲起家家  
聽不盡西澗芭蕉送雨丁葯園嘆其涉筆蕭疎  
自是蓮臺上品度繞佛天香一曲贈之云茅菴  
小築踈梅幾樹能伴幽獨無生悟速長齋繡佛  
前身是金粟經翻貝葉清磬裏蓮根似浴微笑  
拈花儼然是先生天竺染翰恣細竹慧業文人

更清福坐老蒲團空階秋草綠映不染塵心一枝芬郁誰道仙子塵凡料堯率蓬山任歸宿花雨吹烟團成香玉

題蓮花

幻出是毫間休作愛蓮說花葉不沾塵從今莫饒舌

無垢

俗姓陳名潔號石香江蘇通州人適同里孫太學安石家饒裕不善持籌遂中落以潔無子不相得挈妾婢異居潔乃歸母家久之落髮即其祖舊業所謂鴻寶堂者事然修然不廢吟咏晚而益貧至併日食隱忍而病數月不起起覆水

窻前脫手墜樓而死著有茹蕙集

五山全志陳潔字無垢少司寇堯元孫女世禱女兄也神情散朗有王夫人林下風為詩輕清秀雅亦不下柳絮因風之作也適孫氏無嗣久之乃還母家下帷著述語益悽惋著有茹蕙集

卷四

陳維崧婦人集通州陳藝字無垢幼時學詩文絕工著有繡佛齋集常作閨怨五言詩有夢去不關愁曉來心自惡之句從叔文起見之屢形吟賞

書懷

青翠入簾櫳永日駐幽閣愁縈芳草生靜覺桐花落奩鏡網蠨蛸庭柯巢鳥鵲夢去不關愁曉來心自惡獨坐只書空微雨益蕭索

雪後登山

滕君似妒青山翠萬里峯巒鋪玉碎蒼涼四望野雲低  
江天靜與茅亭對此時誰是景中人王恭雀筆難爲繪  
我愛江天積雪幽朗吟雪賦寄中流長江寂寞魚龍沒  
坐向孤寒月影浮

揚州早雁

纔離塞北忽江東嶺岸蕭疎樹未紅數點雲間誰繫帛  
一行天外自書空安棲邗水猶鄉土遠過迷樓感故宮  
別有孤鳴沉別浦高風欲借起泥中

秋柳

弱不禁風素自憐黃昏細雨斷疎烟樓頭指冷誰吹笛  
塞上身單欲寄綿一任啼鳥翻子夜直須飛雪送窮年  
攀枝信墮英雄淚殘照蕭條灞水邊

悼小婢素梅

年只十齡餘幽花色亦如憐伊明慧甚獨遣理琴書  
以疾性逾潔時時拂卧床猶然覓芳卉斜插髻雲旁  
每識予悲嘆溫言慰寂寥深期共朝暮何事彩雲飄

玩月

秋氣晚餘寒清光萬里寬天風如可借吾意欲乘鸞

春閨



院冷梅花玉剪流晚風偏助落花愁侍兒知我無情緒  
不把珠簾上玉鈎

道元

俗家姓王陳留人也

冒丹書婦人集補王氏道元者亦女冠也陳留人其禪坐書懷一律最流麗清句如此可謂女中惠休矣

禪坐書懷

碧雲靜鎖梵王宮猶似明霞拱禁中玉樹舊枝歸淨業  
內家新調擅宗風三千里外腸堪拆十二年前淚暗紅  
欲悟無生何處是禪燈移照鏡臺空

德隱

俗姓趙名昭字子惠吳郡寒山隱君宦光之女  
也適平湖馬班精翰墨能詩文好葛衫椎髻不  
屑世俗梳裹會馬氏丁難破家遂更名入空門

著有侶雲居遺稿

構李詩繫趙昭字子惠吳郡寒山隱君女祖母陸卿子母文端容俱擅詞翰之席子惠能嗣其美適平湖文學馬仲子班性好烟霞嘗葛衫椎髻自擬道民仲子強之不克會仲子父難破家子惠遂入空門更號德隱結莽于洞庭西山中香林匿影二十餘年亦吳越間一奇女子也有侶雲居遺藁

新秋晚眺

山中多晚涼清風厲秋節遙瞻四五峯壁立皆奇絕修  
竹傍林開喬松倚巖列黃菊散芳叢清泉凝白雪對此  
懷素心千里共明月願保幽貞姿歲寒雙皎潔

種竹歌

南山南北山北其中有竹人不識托根數莖臨巖霜虛  
心願並幽溪栢秋深草木零落盡此竹亭亭終不易

春日泣懷先慈

蘭閨儀範廿年餘德耀神葩玉不如坐帳每教吟五字  
遺奩親自繪雙魚最憐辛苦懷蘭佩猶憶提攜載鹿車  
風亦有情腸欲斷夢中空自學牽裾

當湖文園聞已填茂草慰外君

遙望殘陽落故墟更傳烽火遍州閭綠沉渭畝臨溪竹  
香散文園滿架書釣艇蒼茫浮少伯琴臺寂寞憶相如  
多君腹笥依然在詞賦翩翩好似初

祀寒山先墓

一天風雨倍傷離回首寒泉曲澗西伯道祠邊猿獨唳  
中郎墓上鳥空啼塵飛臺閣書還在雪壓松筠鶴自棲  
從此素絲憑世染漫憐志與白雲齊

皆令黃夫人過寓山閨卽事

吟得新詩子夜殘銀釭點點照花欄須臾小婢來相報

深竹烏嘯月滿灘

美人

眉鎖春山鬢點鴉莫將桃李鬪芳華無心去逐風流隊  
閒向雕闌數落花

超越

浙江仁和縣人武昌郡丞林杞女雄聖菴維極

法嗣也

憶維極師

冰雪家風古蕭然丈室中當年親教誨數語發愚蒙生  
死恩難報箕裘愧未工妙峯還掬土道範邈何窮

元端

字御符江蘇嘉定縣人也俗姓盧

國朝練音初集元端字御符南城盧氏女年十二  
祝髮於堯峯女師後受天童山曉和尚法開  
堂於杭州之明因  
嘉興之伏獅兩寺

書齋偶咏

榻寄閒牕下相攜話昔遊烹茶成雅集開卷足清修宿  
雨花生潤微風鳥自謳留將殘照影靜拂素絲幽

石巖

浙江仁和縣人俗家姓蔣名薜英琴棋書畫莫  
不臻妙初為鉅室侍姬後祝髮於辟支菴

韓鉅石岩詩序略西泠蔣薜英石岩係某鉅室  
 小星幼讀書警悟凡技藝一一涉獵而于琴尤  
 得絕調書法酷摹董文敏尤精于斯邈篆隸亦  
 時作蘭竹小畫文則工六朝麗體詩絕似義山  
 飛卿惜齒雅情無知識悞為狂且所誘誤有溱  
 洧桑中事度為比邱遂深自愧悔澡骨薰心余  
 于浴佛日遊辟支菴彼方在講壇受偈光艷動  
 人心目余于是戲咏成語二句云阿難一咲花  
 偏著合向楞嚴覓導師余意其志猶未堅也及  
 聞諸老嫗云菴之住持智賢者世族之老嫗婦  
 也誓苦守維摩戒律惟恐雛尼有失德每朔望  
 與誓詞于大士前願出戒者趣其裝于是去而  
 之他者數矣薜英獨毅然請留是亦善于變者  
 乎但惜其詩多綺語恐冬烘兔園生之見責也  
 然三百篇有鄭衛詩固不廢變風文君白頭吟  
 尚贈炙千古亦不以其失節而置不傳也余固  
 存薜英之詩以  
 備言情之一體

燕

滿院晴光好穿簾小燕紛數聲驚午夢雙剪碎春雲戲  
 水香泥濕衝烟夕照暝參差頻上下紅嘴掠青芹

春夜與閩音師咏月

皓月輕飛處經堂寂不譁碎光穿竹罅圓影架松叉露  
 濕巢喧雀風梳草亂蛙與師清課後相對理袈裟

曉起遣興

風掃殘雲霽色開松根馴鶴舞蒼苔蟻拖榆莢綠墻去  
 蜂抱花鬚撲檻來一雨綠盈分竹院四山青壓鼓琴臺  
 悠然獨立斜陽下結陣烏鳶噪古槐

憶夢

蕉團穩坐好安禪炯炯金燈法座燃慧鳥鳴來深樹裏  
亂山飛入小窻前雲鎔碧海摩晴日露洗空天散曉煙  
記得夢中叅我佛色空空色悟真詮

荅菴仙六姊

巫峽行雲夢已遙不須禪棒與詩瓢白雲深處青山裏  
一箇蒲團萬慮消

題達摩像

折葦江流疾似帆九年枯坐向寒岩靜中悟得言詮妄  
笑把如來大藏緘

妙慧

本姓張家金陵南市樓從假母之姓姓馬名如  
玉字楚嶼熟精文選唐詩善小楷八分及繪事  
心獨厭薄統綺品題花月指點溪山各流頗企  
慕之後受戒於棲霞法師各妙慧

飲雨花臺賦落葉

登眺臺千尺論心酒一尊青霜侵樹杪丹葉舞江村逐  
浪同浮梗隨風欲斷魂榮枯何足嘆此日幸歸根

性道人

俗姓周名瓊字羽步一字飛卿江蘇吳江縣人  
少警悟工詩適一士人爲縉紳某所中陷囹圄

自度不能脫命羽步往江北避其鋒經年篋中  
金盡所居陋甚破窻頽壁不蔽風雨然羽步意  
致翛然喜縱觀古史書愛吹彈時作數弄以遣  
興人以詩寄贈者羽步卽依韻和荅無闋幃脂  
粉態不得志遂歸空門改今名

陳維崧婦人集周羽步名瓊一字飛卿詩才清  
俊居如臯日先生深翠山房八閨月吟咏頗多  
如贈范洛仙云黯淡銷魂獨倚樓登山臨水又  
逢秋簷前垂柳絲千尺只繫柔腸不繫舟蕭騷  
越客獨淹留汗漫西風柳岸秋安得東風解我  
意好吹此恨到揚州極似唐人絕句所著有比  
玉新聲集

### 和韻留別

易水興歌淚欲彈孤舟殘燭夢闌珊  
篷窻寥落憑誰慰岐路蕭條強自寬  
碧艸寒烟江上畫野蔬村酒客中餐  
更憐此夜溪前月愁殺離人不忍看

### 秋懷

朔風哀角起孤城強就東籬對菊英  
俠氣驅愁存傲骨詩懷借酒出奇兵  
碧雲黃葉清秋色蒲枕青燈旅館情  
敝葛何堪當此際新涼漸向永宵生

### 秋夜感懷

風淒霜重葉初稀孤客無家雁亦歸  
往事易悲休記省壯心難遂且忘机  
深秋小院人愁坐澹月疎林鳥亂飛

遠戍城高殘角冷  
砧聲處處理寒衣

贈冒巢民

天涯浪跡幾年春  
此日何期青眼頻  
贈藥爲憐司馬病  
解衣應念少陵貧  
慙非駿骨逢知己  
羞把蛾眉奉路人  
聽雨不堪孤館夜  
感今追昔倍沾巾

留別吳蓋仙

一身飄泊御風遊  
嶺上閒雲水上鷗  
錦字怕隨江雁斷  
詩魂還逐曉鶯流  
野塘孤棹黃花晚  
香谷寒窻雜樹秋  
只恐重來仙路迥  
烟迷露阻武陵舟

春居

小榻參差竹影斜  
衡門芳艸鎖烟霞  
稜錚傲骨詩爲友  
淡泊禪心畫作家  
暖日不須來燕子  
春風爭肯逐桃花  
凭闌細雨瀟瀟夜  
慷慨悲歌撫鑊鋸

清明感懷

積潤侵堦碧艸生  
杏花寒食半陰晴  
一簾細雨迷歸燕  
幾日東風度老鶯  
淚眼看花如有恨  
旅懷中酒似多情  
何時十畝偕賢侶  
箕踞空山嘯月明

將歸江南次荅鄧孝威

揚袂狂歌歸去來  
五湖烟月冷蘇臺  
遙憐竹屋分題處  
花落重門艸似苔

懶向人間道可憐古來傾國盡嬋娟  
花飛不煮胡麻飯  
靜裏閒忝柏子禪

野艸菰蒲一徑通  
短篷江上趁春風  
亂鴉驚起投巢去  
人在遙林落照中

幾許關心總不平  
飄然湖海託餘生  
閒雲好伴孤帆去  
祖道何人唱渭城

句

滄海鍊身猶竦骨  
鹿蕉夢覺更清狂

蓮坡詩話冒巢民晚築一室曰匿峯廬西冷女史周瓊題句云云周繼高有句云秋月湧波翻屋影西風隔岸碎人言龔芝麓尚書有匿峯廬七月十六夜卽事詩云露華滿地竹風低起坐間吟到曉

雞絡緯亦知秋月好  
五更枝上盡情啼

妙惠

江蘇長洲縣人俗家姓范適西人李峙岩年餘  
李故父母勸其改適堅志不渝作栢舟操以自  
矢父母繼沒遂祝髮於葑溪之般若菴女徒從  
學者甚夥年八旬餘無疾而化著有曇花軒艸  
般若招提曉坐

夜雨洗山岩朝來翠獨濕  
趺坐學觀空清風滿香積  
正因字本無而我好翰墨  
心卽等死灰未了人間孽  
臆竹皆虛心庭松多勁節  
體此長青樹原不在虛實  
何況鐘



魚間梵理更無得坐久聞妙香慈航如可接

悟源

江蘇太倉州人姓王名寂居

書懷柬紫繁女史

花鈿翠袖久蠲除經案繩牀意自如性懶已忘憍慢習  
家貧猶惜舊藏書談空有弟窮禪理適興從親學蠹魚  
更喜蕭疎塵慮少草衣木食足安居

擷芳集卷之七十一終

擷芳集卷之七十二目錄

方外詩

古歛訥菴汪啟淑選

神一五首

靜一諾一首

僧一鑒二首

靜維六首

傳正一首

智生四首

德日十二首

德月十四首

熊菴尼一首

宛仙一首

翁氏二首

曙光一首

素月句

法鑒一首

智圓三首

素侯一首

超一二首

妙寬一首

明修四首

心中六首

曹素侯一首

吳靜婉一首

孫氏句

摩淨一首

擷芳集卷之七十二

古歛訥菴汪啟淑選

神一

字荆隱江蘇華亭縣人吏部考功司主事夏允  
彝之長女也善琴工奕適嘉定縣文學侯洵初  
名淑吉字美南侯生蚤卒美南遂祝髮 國初  
尚存著有龍隱遺艸

嘉定縣志夏氏名淑吉考功允彝女適諸生侯  
洵太學生岐曾仲子洵卒時節婦年二十一忍  
死撫周歲孤檠後岐曾兄峒曾及子演潔俱被  
難允彝亦自沈淞塘兩家第宅皆成瓦礫先是  
節婦避兵結廬曹溪龍江間兩家奔命賴以棲  
止演室姚潔室龔咸來從居所謂東園歲寒亭

也已而岐會復以故人株連被逮死母龔太恭  
人赴水死節婦夜騰舟潛往棺斂兼收庶姑劉  
氏屍昇置祖塋旁隨遣人間行求其舅屍於雲  
間初峒會季子澗亡命有司各捕之岐會季子  
泓挺身以代其妻適死于上洋節婦稱貸營救  
抱其子榮撫之事稍平孤繫才而歿節婦曰吾  
數年來三百六十骨節交付太虛空更無繫戀  
矣節婦中表妹盛氏韞貞峒會嘗為澗求婚焉  
父母許之實未聘也已而澗不知所終盛著懷  
湘賦以自見禮節婦為師友姚龔二節婦形影  
一室至康熙壬寅節婦疾終姚龔亦後先歿盛  
乃次其生平私為立傳盛守節三十年與三節  
婦合葬圓

沙之阡  
冒丹書婦人集補女冠龍隱姓夏氏華亭人也  
常因六姊孫儼簫沒於丁亥家難為賦一詩云  
憶惜于歸統綺叢郎家聲譽擅江東肅雍自叶  
房中樂散朗仍歸林下風日暖畫樓彤管麗春  
深珠箔麝蘭通綵雲散後空憑弔野哭荒郊恨  
幾重又聞思一律云碧天明月影遲遲翠袖輕

### 悼亡

寒香露滋海內風塵勞客夢江東羅綺擅文辭  
頻驚桂棹迴前渚時整花鈿立小墀子夜明燈  
猶未寢魚箋珍玩感婚詩詩句清綺  
豈獨君家大哀一賦獨擅才子耶

蕭蕭鑒元夜幽室生微涼眷言念君子沉痛迫中腸音  
徽日以杳翰墨猶芬芳靈帷空蕭條齋奠直荒唐舉聲  
百憂集泣涕不成章

### 夢遊天臺

石梁飛度接花茵殿閣經行覲勝因香氣入衣初不觸  
鐘聲到耳迥無塵木童石女賓中主翠竹黃花覺後身  
憶憶臨風三歎息碧潭明月影磷磷

二月雨雪同靜維招南樓至曹溪忽得膠城家信  
卽事感懷兼寄再生

尺素頻傳憫艸萊謝庭非復舊池臺彤雲未許蛟龍奮  
琪樹寧辭鸞鶴來黃竹歌聲遙彷彿玉壺風色好徘徊  
落梅深處無人到脉脉心期更幾廻

憶王菴舊游寄再生

人生聚散本浮漚回首蒼茫感昔游曉露未收花力重  
午陰欲定鳥聲幽聞香小坐忘塵世步月清言掃舊愁  
梅影橫斜應似畫殘英滿地有誰收

重過橫雲山懷靜維

翠竹丹崖倚碧流輕撓重撥意悠悠山靈未許同招隱  
畫棟飛雲鎖上頭

靜諾

號自閒道人浙江仁和縣人江夏太守林夔白  
之女也居西溪雄聖菴著有息肩廬詩草

林璐息肩廬詩草序余族祖姑曰靜諾師先曾  
叔祖夔白公之幼女也先王父抱冲公與夔白  
公同齒同學同經同舉于鄉同出一座主皆先  
會王父教子及弟成名余年七歲入家塾夔白  
公摩余額呼師持棗栗授余是時師長余五歲  
卽聞負詠絮才遭時不偶托足空王者垂三十  
餘年六旬老衲話啟正年間事如昨日而余亦  
摧挫以老羣從叔父少時同游家塾者又止余  
尚存嗚呼師以巾幗大賢得悟乾若之學大江  
以南一時閩中耆舊來受佛法者常數百人何

其盛也師嘗息肩河渚結茅爲廬每至萬樹梅花千灣菼雪呼余共載自謂此中有真悟處出床頭詩一卷示余曰宗門不立文字今老矣尙戀戀敝帚不又多乎哉余笑謂師天半霞飛雪中鴻爪是耶非耶多此一念急須懺悔師笑以爲知言是爲序

### 幽居靜坐

幽居惟自適一編聊自遣白晝一何長安不自黽勉古人雖往矣微旨亦須闡空簷滴長漏爐香生寶篆每當興會嘉雙手不釋卷嗟哉世俗子不解親墳典

### 歲暮作

時序自推遷忽然驚歲暮舉目見寒鴉悲鳴如欲訴太陽慘不舒同雲四野布朔風時北來哀號滿庭戶翹首望陽春陽春不我顧居諸如隙駒剝啄有定數况我世外人浮雲已如故園有數株梅結伴儘堪度

### 古梅歌

閩苑瓊姿不記年屈曲古幹如龍盤大庾萬枝只如此迴旋曲折空山裏吐萼枝枝色正妍移來小艇泊流泉斜枝倒浸冰魂化狂呼遊客添盃斝我欲攜筇過隔溪竹林主人遠相迓莫謂韶光還久留人生適意多偷暇  
過永慶寺逢牡丹作

東風習習春將夏寶馬香車如放假夾道松杉滿徑陰黃鸝坐語春風下偏反綽約逞嬌顏徘徊終日不知還

花王似殿東王令好鳥枝頭笳鼓競莫言花落不如人  
人老能如花更春惟有青山常對峙年年花落路傍塵  
小鳥欲答忽飛去宛轉如歌昔時句但使衰年無病侵  
歲歲花前常小憩

夏日晚晴

窻白雨將去猶存一帳寒神清無俗夢心定不生瀾紅  
濕知蓮苦聲遲識漏殘晝梁新燕小窺棟語般般

舟泊姑蘇

扁舟今夜泊遙對闔閩城霞落浦雲晚鴉眠山月明片  
帆歸路遠千里客心驚鼓柁不成寐蕭蕭何處聲

咏秋蘭

長林衆艸入秋荒獨有幽姿逗晚香每向風前堪寄傲  
幾因霜後却留芳名流賞鑑還堪佩空谷知音品自揚  
一種孤懷千古在湘江詞賦奏清商

河渚初夏

石枕藤牀萬慮忘跣趺不逐世間忙風生蒲扇人情冷  
竹映紗窻月影涼隨地可消清夜永無心嘗戴野荷香  
門迎流水塵聲遠檻外松濤入耳長

贈楊夫人

一種高風迥絕塵何緣邂逅覺生春青蓮堪證無生法

紫誥仍輝現在身性潔自甘泉石操談元喜與法王親  
金陵風物稱殊絕道左流連話轉深

春宵卽事

野藤花氣暗隨風狼藉春光一半空斜倚石欄頻望處  
滿庭明月有無中

閱楞嚴經

青蓮自是出淤泥在處明心更不迷寄語學人須著意  
本來無染卽菩提

僧鑒

江蘇寒山菴比丘尼兼工絲竹

七十二峯足徵集僧鑒寒山菴比丘尼絲竹俱  
精談諧入妙世傳其戲咏選秀女詩云笙簫鬧  
月走如風花燭烘天萬戶同只恐美人爭  
嫁盡更無人入未央宮卽此可見一斑矣

秋海棠

紅甲垂垂白露姿薜蘿墻下最相宜不教鸚鵡呼肥婢  
肯與蓮花作侍兒幾處閉門秋雨後何人立月晚香時  
愁腸欲斷非關汝續命無煩葉底絲

初夏

落盡紅芳入夏初槐陰遶屋竹扶踈輕風一室閒鐘磬  
踈雨幽窻自看書

靜維

江蘇華亭縣人俗家姓盛氏文學慶遠之女許  
字嘉定縣文學侯澗侯父子殉節靜維祝髮空  
門著有寄笠遺稿

練音續集盛韞貞字靜維華亭人夏氏中表妹  
也許字峒曾季子澗未嫁而澗亡命以死著懷  
湘賦以見志來歸上谷旋斷髮  
禮夏氏爲師夏氏歿氏爲之傳

### 秋宵對月

夜靜天地涼憑樓獨凝眺烟樹色離離雲山望中杳萬  
籟寂無聲數螢流木杪青燈照羅幙殘葉鋪池沼悲哉  
今古情乾坤徒浩渺憂懷自蒼茫至意漠難曉姮娥知  
我愁流影來相照當持金石心千秋同皎皎

### 題春草堂

謝公遊眺地春草已無根夕巷牛羊下空簷鳥雀喧可  
憐盱盼盡徒有簡編存淚洒西州路何人酌一樽  
十載重游地孤城帶落暉西園迷舊跡北渚長新磯玉  
樹人俱盡金庭事已非何須聞短笛獨立自沾衣

三岡識畧寄笠道人者姓盛氏名韞真幼爲練川  
納言侯公第三子所聘未及于歸納言父子殉節  
遂誓不改嫁薙髮入空門道人讀書能吟  
咏會題納言春草堂詩云云亦可感也

### 贈聖幢師

自是閨中秀超然遠物華心能同水月骨自帶煙霞翠  
長真如竹黃開般若花寄言劉鐵磨應識趙州茶



夜坐

殘燈照簾幙樓閣有餘情  
落葉堆蛩砌涼風吹雁聲  
暮蟬愁裏聽河漢望中橫  
獨坐悲秋夜踈櫺淡月瑩

邨居雜感

春山斜遠郭淶水滿晴川  
白鳥孤雲外青林返照邊  
風波何處少耕鑿此中偏  
莫作途窮歎聊同鹿豕全

碧海

碧海風濤靜不飛凌霄閣  
傲雲扉擁書千卷無人到  
剪燭三更鶴歸漢殿香消  
青鳥去緱山秋冷玉笙微  
劫灰辨得餘悲愴獨向人  
間寄衲衣

傳正

浙江仁和縣人俗姓繆氏  
倪昭素之副室也出家於  
萬善菴

辭世偈

五十餘年似夢中今朝四大各西東  
了明性海無生法更有何言說苦空

仁和縣志萬善尼菴在東里坊女僧傳正俗姓繆為文學倪昭素副室昭素連喪子女及娶繆得子超燈絕嬖愛之乃傳正力辭出世遂捨身萬善日夜坐蒲團八年如一日嫡王氏化其真誠撫其子若已出昭素歿嫡與其子無所依傳正迎養送其子於藥師菴又能開示善類如文學沈希珍妻黃氏觀察沈循妻陸氏皆師事之康熙甲寅年五十四留偈云云語畢端坐逝子超燈能述其志

智生

本姓黃名竣顧若璞之女孫也浙江仁和縣人受同邑陸文學鈞聘未婚而病既篤遂皈依於

雲棲石上人大瓊命名智生

顧若璞孫女竣兒往生紀實余最厭世人作妄語至于諛墓之辭欺死罔生益用凜凜乃吾女孫竣以童女身證往生果有非耳目所觀記者其敢虞世人不信而遂湮沒不傳乎爰紀其實以俟錄往生者采焉女孫名竣子次子諸生煒之長女母曰鮑氏侍御餘杭赤城鮑公女也受仁和陸仲子文學鈞聘女以崇正乙亥十月廿一日午時生生而端凝頤頤具滿月相母鮑絕愛憐之令乳媪抱置帷中不使觸風日者二三月肌膚玉雪可念然晝夜不釋手人氣蒸鬱致右目微有飛白若輕雲之蔽月矣子從先夫子東生公飯戒雲棲自先夫子捐館舍子旦晚事

持誦女兒時即喃喃誦佛號恭敬禮拜年十四母鮑去世女益靜重不佻日有恒課經則金剛藥師心經普門品呪則大悲準提不以庶務稍間比邱尼優婆夷或以事至輒深自引匿日闔閣中自有修持此輩不必多與作緣也聞人出家則欣躍企慕至禮俗夫婦子女人所稱慶者恒輦蹙曰此熱惱場業根苦海輪迴何已歲癸巳病在臟腑呻吟床第間非扶掖不能轉側一日忽告我曰女決意出家矣幸為謝陸氏余婉轉語以恩愛之難割澹寂之難守女微笑曰此自五六歲時即有定志誓願以童女身受持正法歷十二三年中履境多矣如石之貞如水之清未嘗稍移過此以往固可保也因命昇佛像至榻前蹶然披衣起稽首哀求懺除無始以來積業發廣大願普度眾生甚懇切語畢仍復呻吟煒兒曰汝既已致心皈佛宿疾當頓除何尚不能減此痛苦女曰金鎗馬麥定業難逃大者出家已遲不能振救世人耳適漁似尊人上先生來問疾子戒煒兒宜婉語之母驚其聽

兒畧為引端大上先生曰嘻異哉此固已動神明矣當吾兒八月時以科名事祈夢兆于于忠肅公所見門戶喧雜若戒庖人者語吾兒曰爾所聘黃氏女不久且出家兒驚寤不意其應之速若此也此自有天焉違天不祥翼日當令吾兒一見決之此女曰男女有辨未可遽見也幸為我延石大師于虎跑使我皈依受戒然後見之耳石大師者予母弟也二十日石大師飛錫至因昇之中堂如法說戒命名智生女歡喜聽受已隨大聲呼曰陸居士苦海無邊回頭是岸生死事大大限已至不能久留陸居士亦宜發願出家母久戀迷途也予痛之甚女曰祖母學道有年矣何尚不能斷情愛無明火燒何處迴避遍集諸姊弟兄妹而告之曰我諸眷屬中豈無大根器人而愛網糾纏不能跳脫宜猛自努力畧一失足無救無依如我今者追悔何及引鏡自照見面目鰲瘡欣然曰如此乃可著壞色衣持無漏戒矣我雖暫去即當復現僧相回入娑婆耳女病久氣息微弱至開示法語及念佛持經則清朗哀激若唳鶴啼猿悽感心脾也日將

午急求披剃石師金刀三剪女即大稱清涼合掌三謝囑以用龕火化脩然坐脫踰時頂氣猶照照上蒸惜子泥于俗見抑而就寢時癸巳十一月念一日午時也得年一十有九吾兒與陸仲子因為圓比邱尼相次日沐浴更衣湯氣所沃隨發異香殮時紅光灼灼眉頰間得未曾有見聞讚嘆向嘗以往生無徵今乃徵之也吾家故世有善緣自吾先夫子焚香爇燭吉祥而逝長子燦婦丁既結念觀音死無警怖次子煒婦鮑亦翹勤懺悔臨終剃染若夫破除惑惱打徹牢關先說法以度人旋現瑞而驚眾則女尤獨出矣至其嚴持家秉雅愛琴書從伯氏學詩亦有雋句勤於紀錄時帷燈伏枕手書成帙所存金剛經注解及古今詩歌若干卷可考也于往生事不相涉故不具紀

祖母命題菊花

簾幙暗生香奇葩勝艷粧不隨秋草萎獨立傲繁霜

春日風雨

何事催春去殘紅逐雨飛飄風無處所來歲可能歸

宮詞

長信宮中侍宴來玉顏偏映夜光盃銀箏彈罷霓裳曲  
又報西宮侍女催

夏詞

炎威天氣日偏長汗濕輕羅倚畫窗蜂蝶不知春已去  
又啣花瓣到蘭房

德日

本姓蔣名葵字冰心江蘇泰州人炤之女弟也

生而聰慧甫識字卽能解大意爲詩無師承輒  
工父爲擇配過高徘徊未有所就迨父故而歸  
陳恒多悒悒然于歸後一切內外家政咸處之  
以和午夜蘭房一燈熒熒伊唔之聲不絕家人  
咸以女書生日之或時爲女伴書箋字畫婉媚  
內庭讌集冰心飲酒高論殊有名士風而閨幃  
間尤爲得體其贈小星詩有嬌癡我見猶憐爾  
之句足以知其德量矣後歸空門改今名著有  
鏡奩十詠等集

咏新柳

嫩軟新枝不受肥小蠻醉舞比腰圍欲舒青眼情難寄  
但說蛾眉事總非纖巧鶯梭輕拂縷翩翩燕剪欲裁衣  
隨風婀娜春無限銷盡吟魂好句稀

暮春苦雨卽事

年來惟有感傷多九十春光總浪過鏡裏容顏空自老  
夢中詩句爲誰哦飛花滿院銷銀蠟細雨空簾鎖黛蛾  
可惜繁華零落盡香殘酒冷奈愁何

雨中新柳

深黃淺綠雨中新纔倚雕欄更損神翠色最宜侵少婦  
柔條未可贈離人衣沾清淚時時濕眉染濃烟故故顰  
無力舞風飛更歇由來腰細不勝春

夢醒聞鴈却憶女弟

依稀蓮步夢中來忽聽孤鴻意自哀爾爲失羣子憶妹  
煩君寄淚到粧臺

新燕

穿逕啣泥漾好春翩翩鬪舞羽毛新暖風吹入昭陽殿  
妬煞輕盈趙美人

雨窻有感

梨花零落事堪悲訴與孤窻夜雨知靜坐幾回憐命薄  
顰蛾正是斷腸時

茉莉

一笑風前盡吐香  
摘來幾朵倍芬芳  
瓊姿馥馥羞珠翠  
留與嬋娟助晚粧

月下梅影

輕籠淡月異濃粧  
欲賦慙無白雪香  
却到夜深人靜後  
一枝移向碧紗窗

聞隣女哭聲

閒看征鴈立花陰  
處處西風落葉驚  
我爲相思腸欲斷  
不堪又聽斷腸聲

初秋三首

蕭然一葉下梧桐  
初覺涼生小閣風  
暑氣潛消人意爽  
卧看新月到簾櫳

涼夜西風枕簟清  
鐘聲送月傍柴荆  
寒蛩也識秋光到  
砌下窻前處處鳴

輕煙冷露染衣寒  
無數流螢繞畫欄  
睡起悄然時悵望  
秋聲一片在林端

德月

本姓蔣名蕙字玉潔  
江蘇泰州人葵之女弟也  
後亦歸空門改今名

閨怨

限溪西雞齊啼韵并一至  
十百千萬兩雙半丈尺字

十丈情深四遶谿風光二月六橋西八千路遠三秋別  
百萬愁驚一夜鷄白壁五雙盟尙在青絲七尺結難齊  
半生兩處成孤夢九折柔腸烏夜啼

雨夜夢與冰心女兒話舊醒來拈韻

孤窻閒卧不勝愁夢逐嬌痴舊地游繡閣牽衣欣聚首  
粧臺倚膝倩梳頭驚魂夜半蕭疎雨分袂更殘寂寞樓  
枕上傷心無數淚曉來寧忍一舒眸

送花女兒

遙想娉婷態曉粧梳裹鮮玉英三四朶送綴綠雲邊

秋夜聞蛩

蛩音唧唧最關情無限秋光映畫屏銀燭高燒更漏永  
不堪聽處總成吟

香奩和姊氏韻

無聊月下獨焚香暑氣微消漸覺涼徙倚花前頻悵望  
何時重見玉人粧

小院涼生落葉風天街玉露濕花濃懷君淚筆難題句  
瘦減腰圍總病中

小閣閒凭遠緒生香茶獨啜不勝情遙思月下吹簫態  
料對乘龍跨鳳人

夢裏相逢淚似波雲煙共滌對君多秋聲驚起愁人恨

揚芳集 卷之二十二  
悵望遙天橫玉河  
攜愁帶病強吟哦  
自恨紅顏薄命多  
一夜詩成無數淚  
從今休想對君歌

多病神傷力不支  
一彎新月照愁思  
昨宵魂夢牽衫袖  
拈韻依稀賦別詩

貧看新月不成眠  
彷彿清宵對玉娟  
詩思君家推絕調  
吟成白雪却非鹽

新詩賦就更添粧  
散步迴廊轉畫堂  
多病慈親欣執手  
愁中對月且流觴

凋零門戶不成家  
骨肉相看空自嗟  
愁到夜深渾欲寐

杜鵑啼破綠窻紗

鏡中小影豈無雙  
琴鶴看來祇自芳  
鎮日陶情詩共酒  
雀屏無意選東床

熊菴尼

里次未詳

輓曾如蘭殉烈

大事皆歸結纜知  
死可安性何堅似  
鐵名不愧如蘭碧  
血三年淚黃金一味  
餐寄言諸窈窕莫作等閒看

宛仙

江蘇長洲縣洞庭東山比邱尼也俗家姓石氏



七十二峯足徵集宛仙東山石如玉之女許字  
某氏子其子貧而喪檢宛仙祝髮空門有詩一  
首張素中  
載之於集

三 莽中寫懷

禪關晝掩絕塵踪前有修篁後有松野鶴去時人少伴  
曉雲起處壁添峯當時自識塵緣淺今日誰知道味濃  
千里赤繩從此斷超然何用講三從

翁氏

浙江仁和縣人祝髮爲尼著有息肩廬詩草

中 松鼠

炯炯雙眸狡如梭繞樹枒長公會賦貞女刺無牙性  
癖猶耽果情頑不息花行藏那可問穿穴是生涯

綠牡丹

一枝嬌艷殿春開疑是芭蕉分影來雲鬢漫勞秦女挽  
宮紗須趁曲江裁輕盈自可藏幺鳳綽約偏宜映古槐  
回首梁園他日事不禁花下幾徘徊

曙光

江蘇上元縣青樓也俗家姓朔名朝霞善歌舞  
每當夕徐徐而行前雙鬟導以明角燈二後侍  
婢以二羽扇障之遠望若洛川凌波後爲女道  
士著有紅于詞

無名子秦淮水閣逢朔曙光較書詩黃閣青樓  
盡可哀啼粧墮髻尚低徊莫欺烏爪麻姑少曾  
見滄桑前度來一夜紅箋許定情十年南部  
早知名舊時小院湘簾下猶記鸚哥喚客聲

送人

秋風江上送君舟落葉江楓總別愁解纜不知人去遠  
凭闌猶倚夕陽樓

素月

羅浮女道士嘗募種梅樹千本於梅花村雅能

詩詞

句

玉女峰頭人笑冷杜蘭香去嫁人間

法鑑

自署西泠比邱尼詩見冒辟疆同人集

丁未仲冬携鉢渡江喜過深翠山房巢民先生出

小影索題賦贈

人龍文虎玉精神寫出當年抱膝身李郭久知天下士  
衛荀重見六朝人花藏僻巷車常滿竹隱仙齋鶴自親  
最愛白雲無世態我來亦爲一通津

智圓

字湛然俗家姓殷江蘇常熟縣人

孫貞媛詩

月皎皎風瀟瀟貞魂跨鶴翔雲霄霧鬢煙鬟人不識一  
炷梅檀默與招梅檀香遠飄如篆環珮初過廿四橋  
頭有客迎仙馭相對箕壇夜沈寥靈符輒感蕙雲女不  
比人間花木妖蕙雲秀毓吳淞里烏衣貴族珥金貂父  
掌銓衡作卿貳忠心貫日壓班僚明師動地烽煙起鼙  
鼓喧闐至正朝大厦傾頽燕雀盡剩有孤雛逐絮飄孤  
雛賴嫗相犇竄襁褓呱呱魄蕩搖避秦難覓桃源渡且  
向珠湖撥短橈漂母祠邊僑寄穩一枝棲息同鷓鴣家  
鄉尚隔長淮水回首燕都路漸遙世亂初平疇庇倚羞  
澁空囊命不聊飲蘖茹荼總酸楚淒涼暮暮還朝朝流  
光迅速驚馳駛轉眼盈盈羨阿嬌養就嬌嬈真可羨花  
枝如靨柳如腰更憐殘喘溘然逝空閨獨守心憂焦自  
分門庭久零落春風無意譌桃夭強暴侵凌畏多露誰  
知惡客盜紅綃掠賣揚州守貞女向訴無人怨未消泪  
凝朱袖憑珊枕鏡掩青樓棄翠翹自此繁華竹西路歌  
吹從他意氣驕妾心好比瓊花冷誓死泉臺志獨超往  
事沉淪四百載精靈未散廣陵潮聞卿已證仙班久琳  
宮翠水瑩芳標願和湘女彈瑤瑟不伴秦姬弄碧簫臨  
壇帶淚叙疇昔松栢寧隨衆卉彫丈夫節概當穉落烈  
行偏從巾幗昭留得表貞詩百首輶軒佇望采風謠

打芳集  
卷之十一  
一  
弔彭娥

娥南通州人夫貧甚謂彭  
鬻乳以活彭不從自經死

匹婦得成名寒門志甚貞乳雛憐燕羽逐婦惡鳩聲智  
以窮愁短身因激烈輕寸膚如可鬻涇渭不分明

次韻題明妃圖

遙辭漢殿淚痕稠沙漠淒淒雁陣秋到此畫工忘故我  
也驚愁緒鎖眉頭

素侯

女冠也里次未悉

寄明真子

一見芳春恨不禁百端愁緒漫相侵無情碧艸牽新翠

多事黃鸝弄好音自信到今成薄命更憐何處寄傷心  
殘陽斜送人歸去不覺沉吟又夕陰

超一

江蘇揚州人也俗家姓殷

遺詩

靜中無箇事反復弄虛空地老天荒後魂飛魄喪中有  
詩開道統無法度愚蒙忽底虛空碎夕陽依舊紅

看花

土來澆灌水來栽顛倒工夫任我來滿院春風花自語  
不將顏色向人開

池北偶談超一子者廣陵殷氏女早寡學道三年一朝坐化遺詩偈一卷云云又看花云云

妙寬

江蘇吳江縣人俗家姓江

春夜

新篁風韻夜牕幽好夢驚回惹舊愁一瞬春光歸去也

子規啼月下西樓

觚賸續編貞姑妙寬字靜韶我邑江髯翁之仲女也情忘衿禱道悅苾芻堅守不字之貞妙解無生之諦以是口誦青蓮虔皈摩揭手栽紫鳳巧邁因祇售針絕之文章廣施貧子假貝多之歲月永侍高堂迨乎塵勞欲息禪悟已深預示冥期遂遊淨域若非玉卮之偶謫豈到人間此蓋金粟之再來應還天上爰吟長句用誌奇踪詩曰天香飄處雁來時太息人間失女師文熟五千通妙覺儀鬪九

十見維持組紉功為慈雲積滄瀆心唯孝  
荀知慧業淨因誰得似千秋空說寧馨兒

明修

字可尚號東悟江蘇常熟縣人俗家姓高生時

母夢神語云有夙根長而祝髮維摩寺得戒於

吳門怡賢寺超源老和尚中興五泉寺歷朝峨

嵎普陀五臺諸名山著有鑒雲留跡

蔣漣東悟語錄序法華經言如來知見廣大深遠今石梅之智林法苑東悟和尚承福巖費隱禪師之第四代係臨濟正宗三十四世能以婉婉柔姿為淨住子自維摩得法所至之處無不備歷苦行立淨業於塵埃之外自朝五臺進香而歸過京師出其著語錄一卷示余余句讀而誦之知其明通了徹實有超出凡常者且能發為詩章遇有應酬題詠下筆立成不肯蹈襲

前人窠臼而自具一種瀟灑活潑之致不必尋章摘句始見其佳也智林和尚之母可大師因智林之皈依淨土年已六十亦立志剃髮與智林共證如來是固母氏之好善敦修實其女之志心淨業有以潛孚而默感之余又因其母氏之持衆德而證菩提而益以見智林之濟拔衆苦借受清涼自有大慈悲大願力舉三萬八千恒河沙世界凡有志心男女無不可共登彼岸也故因披閱其語錄

詩稿而弁以數言云  
佟門那拉氏鑒雲語錄序東悟禪師吳下人也少聰穎好讀書賦性至孝生時母夢神語云此女大有宿根足爲爾家傳宗故母心深爲鍾愛且伊母篤信佛教遂許女以出家云是以師亦恪遵母命矢志不字托跡空門以奉養老母其平素之齋慄小心事親儼如事佛至母歿之後每食必設几具饌必作謹侍勸食之狀迄今已歷久靡倦殆可謂以聖賢之行兼菩薩之心者也因朝峩媚回衆皆請參訪會游普陀歷九華朝五臺四過京師凡所至之處如摩尼圓照自令人傾倒卽王公大人亦莫不心折禪宗令卓錫於齊化門外靈官菴蒲團靜攝之暇間爲吟咏以寫性靈其出句大抵多恬淡自然卽擬之方外名媛如魚元機者正堪把臂入林也至若師之道行深淺世有禪悅者自能識之余不復多贅第迹其孝母之一端卽謂諸巾幗中之聖賢也

### 合江

合江山色好耐可雨連綿欲覓峩媚路須憑般若船雲峯呈曉景仙樹帶秋烟咫尺翹瞻處將登第一天

### 送親禮師登戒

幻途無處不朝真從此休言涉世塵陟岵正堪慈月好登堂又喜覺華新三遷教子緣方得六十耆英道正親

此去報恩兼利衆坦然顯現法王身

示衆

妄談般若妄談宗悞引羣聾學我聾夙契心源形實相  
事隨世理顯虛空人因有執機皆塞物爲無情道盡通  
可是箇中真的處太陽西去水流東

泊舟

漁火村燈兩黯然暮雲空隙見長天波平江面光微動  
瑞靄輕搖不是烟

心中

河南濬縣大伾山人也

和天台雅集韻

年來觀道禮三賓清夢神游法界頻今識仙源渾不遠  
傳將鐵筆盡鉤銀

南池旌旆建高秋又看移來豫北留昨日大伾山下過  
恩光先被鷺峯頭

玳筵珠履客爭歸公暇朝衫換警衣從此安昌成朗苑  
衙齋花軸又增輝

家住桐廬水石寰隨親游幕未南還髻齡失怙傷孤露  
十載跣趺洛下山

學和陽春逸興遙吟餘花雨霎風飄瑤池未許蓮池滙

何處慈航度法橋

棠蔭淇源故老知王公路柳繫人思而今繡斧清霜肅  
正是繩徽式穀時

曹素侯

江蘇長洲縣人

秋日

梧桐一葉早驚秋鶴夢留人塵夢收情逐綺雲飄玉宇  
心隨碧露蕩銀鈎浪遊清院難消日偷上層樓未敢愁  
空憶舊時衣帶緩不勝遙夜淚重流

冒丹書婦人集補女道士曹素侯故蘇人曾有秋  
日詩云云據此才思或亦魚元機一流也

吳靜婉

江蘇金壇縣人蘇州木賁女道士也

別思

西崦雨未收東崦風又作留住綠蓑衣莫與篙師著

孫氏

句

針透縑窗香一線杯量明月影三分

炙硯瑣談無錫孫氏女忘其名母病目失明無子  
女因矢志不字綉佛養母二十餘年有咏梅句云  
云一時傳誦母卒後  
遂出家為女道士

摩淨



江蘇震澤縣人任兆麟之母也居素奉佛在家  
修行著有桐里詩草中年悉焚棄不欲留傳於  
虎邱志中僅見一絕

經武邱

鹿走蘇臺春寂寂江花江草傷心碧行人不見古今愁  
指點青山王珣宅

擷芳集卷之七十三目錄

青樓詩

古歛訥菴汪啟淑選

沈隱 二首

王麗玉 句

尤瑛 四首

宋蕙湘 四首

喬容 二首

陸瑤仙 三首

馮湘 一首

陸幽光 二首

徐翹 五首

朱泰玉 三首

宋娟 一首

朱雪英 一首

林雪 一首

史嬌英 二首

鍾清 二首

鄭如英 六首

紅蘭 句

顧娟娟 一首

頓繼芳 一首

張喬 三首

王羽仙 二首

張婉 二首

王賓儒 一首

周 句

洪夢梨

二首

范

璣

一首

沙宛

四首

王藻珠

一首

擷芳集卷之七十三

沈隱

古歙詔菴汪啟淑選

字素瓊江蘇揚州妓僑居錢塘順治三年杭城

破殉夏生死

題樓壁

清風習習月離離  
香吐花羣孰得知  
有恨人嗟琴在室  
空留野調寄情癡

遊孤山寺

梅影橫斜露晚花  
丰容冷落許誰誇  
自憐澹素無人問

浪托林逋處士家

隱居放言有妓沈隱者字素瓊維揚人偕其母遊  
 西湖見山水秀麗欲將終身焉遂卜居於樓外樓  
 初至其地賦詩題壁及遊孤山寺殘梅開晚觸物  
 興情題詩自况二詩俱貼齋中有慕其名而造訪  
 者雖盛其車馬翩其衣服盃觴殺列金玉燦陳瓊  
 卒不屑視也嘗讀青陵臺詩中夜嗟嘆出語人曰  
 但得真才士不復作樓中人矣既而泛西泠尋蘇  
 小墓見一士箕踞橋陰瓊竊偉其為人即而詢之  
 蓋新安夏生也遂訂交同往其居晝夜倡和相得  
 甚歡後即許以歸未幾國事已去生負性豪俠不  
 欲立身天地間遂痛飲傷肺而死當其病支牀褥  
 瓊日彈瑟勸承顏色餌藥饋膳不離寢卧及臨决  
 撫屍舉聲一號後即臨妝臺盛容飭沐浴自潔人  
 竊疑其變志也至夜宿柩旁發夫書篋遂撫棺哭  
 曰夏郎才人汝志埋青塚中妾能生紅絲上乎因  
 賦詩投地自經柩側時清風一過而魂已隨夏郎  
 去矣眾驚視之乃知瓊已死紅絲上也因索得絕  
 命詩三首拈其檢書篋詩曰千里從君命不猶十

年騷賦倩誰收長卿一死鸛裘做堪笑當年咏白  
 頭拈其臨妝臺詩曰對鏡臨妝貌不同空憐黃菊  
 萎秋風樽前痛飲人何在血染籬東點點紅又拈  
 泣紅絲詩曰芍藥摧殘葉亦悲東風何事妒花奇  
 無端靈雨來相諶欲折名園第一枝其為人俠烈  
 如此又嘗自著詩名幽憤言題序曰隱少貧賤擲  
 身花柳間厭苦不得蟬蛻一生初志幾付之烟水  
 雲波自以抱琵琶仰人向人而已怨且悵焉及依  
 母氏遊西湖邁夏郎於西泠謂從此終矣豈知薄  
 命憔悴為郎寄身名山水間郎也青燈鐵硯妾也  
 土銼寒烟間居無事楮墨自娛但以閨詞無補世  
 風聞論恐譏大雅故累葺累焚芟夷半盡胡天不  
 惠喪亂頻加儒素寒流復遭鼎沸脯酒傷人病深  
 杜陵之肺奚囊易老天摧長吉之年澆花溪上妾  
 招魂白玉樓中郎作賦士既蘭摧妾獨無情同柳  
 折乎但令青史無私行從紅絲永訣矣集未成身  
 焉先歿

王麗玉

江蘇金陵舊院人王青霞之女也

句

每憶西樓腸欲斷今朝猶恐夢相逢

徐岳見聞錄尤汝厚閩南知名士也飽經史下筆有神為學者所敬仰數奇不偶屢抑場屋僅中副車以恩拔游金陵舊院有名姝王青霞女名麗玉者色藝俱絕尤頗顧之情好日篤值鼎革倉猝南還事定玉委身於立勳大將順治中尤覓官燕都暇日遊西山入蕭寺忽逢車輿甚盛中一美人褰裳顧尤而輦曰每憶西樓腸欲斷今朝猶恐夢相逢視之乃玉也訪之厚遺聞者冀圖良晤杳不可得玉寄詩若干首與尤永訣竟投繯焉詩甚纏綿哀怨為時傳誦尤即拂衣歸一意空門不復以名利關心老禪宿德莫不降伏皈依噫變亂中佳人沒入沙叱利者何止一麗玉耶禁不遣歸致紅顏頹於尺組于司空韓晉公益令人傳誦千載下然尤以不得玉逃禪定證真空則崔郊戎立因此羈

糾一生又幸中之不幸矣

尤瑛

字鍾玉舊院角妓也國初尚存著有春水舫

殘稿

春水舫殘稿自序心所欲快之境值事無必格之理則人世無恨矣意所難名之鬱幸手有可訴之筆斯古今有言矣嗟乎恨矣又何言余生不造如斷萍如落葉嘗自嘆何不如香烟始如縷繼如篆究結如閒雲杳沒不可復見不值人世恨又何知古今言哉而無如境愈幻遇愈奇于是嘗怪人恨而有言者今轉自信言而不足以寫恨哉嗟乎不知人世之恨者又何知古今之言乎

吳文堂跋舊院尤鍾玉詞草稿一卷蓋余得之金陵市肆間者雖殘落過半而點畫妍媚思理

清發視同時趙今燕朱無暇輩當無不及也其有感一首申情息慮托旨堅冰顧出之此輩中更爲難得又有小箋數番爽稿中云春秋多佳日須且暮淵寂其心好處歷歷在吾性情內矣又雲肥月瘦寒不甚嚴大好天氣闕又楊柳夜烏爲我心側又清陰似重九又此君裝冠作蓋喬扮脚色甚無謂也又香爐茗椀無空水死灰新治舍如野航治地如彈丸茶烟與草花相映發又夜氣沈寒星光燦滴霜欲下而風徐水將凝而冰肅犬吠不靜之人聲燈照無形之夢寐又梅花在手蜜蜂與之俱來又月魄依微漾水山影挾樹遯霧氣中星光灼怒漁舫宿葦葭深處夜寒逗羅衣矣因稍爲編集付之梓人以傳諸好事者

贈張先生曼曼

按張名曼字允叔華亭諸生

高樹落霜月孤清竟一園小涼添白袷大業借青尊瘦影分山寺流光照海門應憐天下士各抱一無言

朝來

朝來剩得好春陰芍藥屏花歲歲心解作流連是啼鳥一行茅屋綠陰深

清明

桃花雨過菜花香隔岸垂楊綠粉牆斜日小樓新燕子清明風景好思量

秋思

日昃牆陰粉蝶回一雙新締海棠開芊芊細草休重綠秋遍天涯人未來

宋蕙湘

江蘇金陵人詩見說鈴三岡識略詩觀翠樓集諸書

陳維崧婦人集秦淮宋蕙湘教坊女也被軍兵掠去題詩郵壁悽然有去國離家之痛焉

三岡識略亂離已來東南閨閣問關戎馬情殊可憐金陵宋氏蕙湘題衛州旅店云云香粉流離紅顏薄命讀之悽然酸鼻也

晦菴尤侗和詩管絃未散鼓鞀催金粉飄零寶鏡開好似明妃出塞去幾時桃葉渡江來又云青樓夢斷杳如煙懊惱郵亭一夜眠

回首長干天外隔洛陽別有斷腸天伯調徐緘客有述秦淮女子宋蕙湘題壁詩感而有作何處黃金北斗傍胡笳拍拍斷人腸若無海水添成淚莫話尊前宋蕙湘

題衛源邸舍

風動空江羯鼓催降旗颺颺鳳城開將軍戰死君王繫薄命紅顏馬上來 詩觀初集

廣陌黃塵暗鬢鴉北風吹面落鉛華可憐夜月篴篥引幾度穹廬伴暮笳 說鈴

春花如醉綺如烟良夜知心畫閣眠今日相思渾似夢算來可恨是蒼天 詩觀初集

盈盈十五破瓜初已學明妃別故廬誰散千金同孟德

鑲黃旗下贖文姝 三岡識略

板橋雜記宋蕙湘秦淮女也兵燹流落被擄入軍至河南衛輝府城題絕句四首於壁間後自跋云被難而來野店露宿即欲效章嘉故事稍留翰墨以告君子不可得也偶居邸舍索筆漫題以冀萬一之遇命薄如此想亦不可得矣秦淮難女宋蕙湘和血題于古汲縣前潞王城之東潞王城潞藩也

喬容

字雲生江蘇上元妓有聲北里素質嬌波修軀

高髻風度爽朗著有落霞詞

步韻答所贈詩

憔悴妝前夢未消春風處處傍君軺自憐弱質和花瘦  
且喜同心向月標未許白頭吟駟馬豈堪紅袖舞雙喬  
巫雲一片江干遠留却愁眉不忍描  
瞬息年華莫浪消感君魂夢繫輕軺已知燕子樓頭冷  
祇願麒麟閣上標秋淡湘蘭差比晁春深銅雀愧稱喬  
可憐碌碌烟花裏敢效微顰也待描

陸瑤仙

浙江平湖縣人後歸關中孫氏

寄所知

料峭春寒夜相思寐不成鳥聲如話舊花影最關情密

意憑誰寄閒愁逐草生願君早憐取相與訂深盟

寄遠

思君時起望夫山相隔難親淚各潛夜靜雨聲腸欲斷  
數竿疎竹盡成斑

日永憑闌憶楚臺深閨無計遣愁懷路旁桃李勤須念  
移入家園一處栽

馮湘

字靜容江蘇崑山妓居銷金橋善歌舞名冠一時與尤晦菴諸名士倡和為海寇所殺

圖繪寶鑑馮靜容蘇州人武進相國侍姬今寓西湖善演劇畫工蘭竹

晦菴訪馮靜容校書詩曲巷低迷油壁車旁人  
爭指小憐家湘江香草傳青管巫峽行雲隱碧  
紗有意抱琴歌宛轉無緣滅燭醉天斜閑情久  
作沾泥絮又逐東風楊白花留別靜容詩無計  
消停青銅車布帆容易便歸家紅紅歌串拋朱  
豆灼灼啼痕點絳紗南曲關心人去後西風回  
首鴈橫斜還期九月秋江上載酒扁舟看荻花  
是處羅裙載滿車偏教倩女別無家旌旗楚峽  
歸行雨簫鼓吳宮葬浣紗蘇小墓前雲半吐青  
姑祠下月初斜紫荊紅蓼年年老爭似西園短  
花命

次韻答西堂尤太史

掃眉才子忽停車鸚鵡傳言到妾家三日名香留坐褥  
五雲彩筆照窻紗青山肯惜紅顏薄翠袖容扶烏帽斜  
珍重春風數相訪小庭新樹枇杷花



陸幽光

徐鉉本事詩靜容江上名姬也意度瀟灑風韻不減徐孀嘗登場演劇一座傾靡有和晦菴詩云云

字孟珠一字娥壑江蘇人陸某之女也奔于義興值義興敗幽光遂轉徙江湖間後陷囹圄又入侯門又隣北里又托空門蹤跡怪異所至人輒嬰禍洵亡國之妖也近從江山集得其二絕

書懷卽事

自憐仙骨絕塵殘手掩星光待夢闌但有文章堪墮淚何妨永夜一燈寒

十二峯前渾夢殘乍收鴛被覺香闌相思此去何時盡

忍見飛鴻帶月寒

徐翽

字雪翽浙江嘉興縣青樓也

樵李詩繫徐翽字雪翽嘉興妓人女小字阿佛性慧能詩隨母遷吳江盛澤遂著聲青樓間每同當湖武原諸公遊然心厭穠華常與一士有所約不果因作秋怨詩寄意後歸貴介周某

秋怨五首

獨處善懷涼秋易怨兼以病骨支離而永好中絕形管在御聊代護蘇以寫幽憂云爾非敢擬盤中作也

自許恩情百歲同那堪棄置任秋風開簾見月還羞月似笑齊紈笥篋中

露華點砌舞衣單人在空房怯倚闌記得與歡相傍處  
夜來風雨不知寒

枕接啼痕雨自知空牀無語只疑癡鸚哥不量伊人遠  
只管窻前喚畫眉

錦簾孤棲燈炮青薰籠斜倚漏三更西風欲破人愁寂  
吹入芭蕉作雨聲

蕭瑟還同落葉蟬輸他吸露飽風烟乍拚身試相思味  
檢點腰肢足可憐

朱泰玉

字無瑕江蘇江寧妓幼學歌舞長通文墨秦淮

建大社會集天下名士泰玉詩出人皆自廢著  
有繡佛齋集

林雲鳳集過朱較書櫻寧館酒間出雙錦鞋貯  
杯以進作鞋杯行詩曰君不見楊廉夫狂吟豪  
飲天下無又不見何元朗風流文彩猶堪想鞋  
孟之事久寂寥誰能狎作烟花長秦淮艷女字  
無瑕爲余笑脫乾紅鞵酒間突出華筵上短窄  
纖新纜一綉平生每恨舊裙低今日分明見弓  
樣細絢碧纜香塵生鳳頭鸞尾花盈盈玉壺瀉  
處偏宜滿翠袖籠來不奈輕杯行到手翻成兩  
兩頰紅蓮初著粉暮雨朝雲釀已深春風秋月  
對應盡何須更築糟邱臺尊中自有葡萄醅何  
須更學邯鄲步尊前便是巫山路一掬雙灣嬌  
自持千巡百罰醉休辭絕勝飛蓋西園夜不羨  
凌波南浦時人生快意在行樂且向青樓買歡  
謔寶劍徒合老仲升金門未必容方朔醉鄉恰  
喜傍溫柔莫問  
城頭夕陽落

花燭詩爲董月生作

芳樹成連理名花本並頭將雛歌鳳侶對鏡舞鸞儔未貯金爲屋先看玉作仇雙星天上麗夜夜映簾鈎

芭蕉雨

滴破愁中夢聽殘葉上聲新詩題未得偏送別離情

閨夢

秋霜飛急漏聲遲遙夜孤幃憶別離幽夢欲乘蟾月去却憑何處照相思

宋娟

浙江杭州人以亂被掠至清風店題詩于壁後

歸嘉善曹太史

橋李詩繫宋娟杭州人以亂被掠至清風店題詩于壁後歸嘉善曹太史王端淑曰哀憤似蔡琰而情思纏綿

題清風店

妾命如朔風飄然振落葉不入郎羅幃乃逐塵沙陌妾本良家兒流落平康劫十三工秦箏十五好筆墨武林遇公子知心不徒悅忽爾天地崩干戈作長別塞馬嘶寒風皴肌冷如鐵誰謂文姬哀猶得過漢闕誰謂明妃怨猶能封馬鬣而我薄命妾終當染鋒血胡不卽就死

心爲公子結公子爾多情豈忘西湖月公子爾多智豈  
不諒我節公子爾任俠忍妾委虎穴公子爾多交交豈  
無豪傑媒妁扇上詩顛沛不忍撇忍死一相待悲酸難  
再說又聞洞山方風流當世杰爾旣善顧郎何不一救  
妾

朱雪英

江蘇吳縣人也

題涿鹿旅邸壁

有序

妾雪英朱氏古吳人也先君起家墨綬進秩黃  
門誤事權倖驟登清要不謂冰山難恃春雪易  
消志雖切于緹縈法難寬于少正其時旅櫬南  
歸榮榮母女堂虛棲燕庭可張羅又以伯氏梟

獍橫加慘毒始則假當道之虎威貽訕里閭繼  
乃效中山之狼狽造禍蕭牆遂至六旬孀母抱  
恨黃泉及字孤兒失身翠館嗟乎白楊衰草難  
呼怙恃于九泉路柳牆花空伴王孫于錦帳此  
情此境慘矣苦矣而鴆母奸貪取償無厭逼嫁  
武弁之手時遭妒婦之拳我生不辰一至于此  
茲者奉詔南征途經涿鹿中軍起塞外之聲聞  
閣諧曲中之調少舒幽恨薄賦短章此閨人訴  
怨之辭非騷客摛文之  
咏也時丙戌季冬五日

吳地紅顏舊世家自憐薄命滯天涯含羞懶倡青樓曲  
拭淚悲聽紫塞笳不及曹碑傳古石漫同章柳集寒鴉  
當年粧閣今何在萬種傷心付落花

林雪

三岡識略云子友瑯琊氏計偕北上于涿鹿旅店  
見一女子題壁附錄于此以貽好事者

江蘇上元縣舊院人也

畫蘭贈友

屢結騷人佩時飄鄭國香郎心能永念幽谷自含芳

圖繪寶鑑林雪南京舊院人畫蘭扇贈友云云

史嬌英

湖北武昌縣人多才不偶誤落烟花

酬客留別

一樹郵亭柳春風着意吹感君憐愛甚終是路傍枝  
贈我明月珠着我繡繻裳使君情固重妾是野鴛鴦

鍾清

字素娘江蘇儀真青樓中人也後歸吳生鹿源  
嗣是舞裙歌扇絕不染指勦治經營彬彬有法  
暇以筆墨為娛年未三十而卒

贈吳生鹿源

紅豆教歌似館娃可憐今日在天涯郎船若打真州過  
八字橋邊妾有家

傍着桐陰種綠蕉望江樓下曲欄招他時閨閣無人見  
好譜新詞吹玉簫

鄭如英

字無美小名妥娘金陵妓也與前明馬湘蘭趙

今燕朱泰玉齊名 國初尚存

詩集小傳如英字無美受小名十二行也金陵舊院妓首推鄭氏受娘韶麗驚人親鉛槧之業與期蓮生者日成生寄長相思曲用十二字為目酬和成帙冒伯慶集受與馬湘蘭趙今燕朱泰玉之作為秦淮四美人選稿伯慶稱受手不去書朝夕焚香持課居然有出世之想有述懷詩寄伯慶云浪說掌書仙塵心謫九天

飯依完夙願陌上亦前緣良可念也

池北偶談金陵舊院有頓脫諸姓皆元人後沒人教坊者順治末予在江寧聞脫十娘者年八十餘尚在萬歷中北里之尤也予感而賦詩云舊院風流數頓楊梨園往事淚霑裳樽前白髮談天寶零落人間脫十娘又鄭姬無美順治中尚無恙某贈詩云閑開閨集教孫女身是前朝鄭受娘

答潘景升寄懷

投我以明鏡照妾如蓬首報以凝桂脂餘膏染君手遺我屑金墨報君芙蓉紙含毫若有懷應念人千里

秦淮別怨詩贈期蓮生

秦淮二月新柳黃折柳貽人人斷腸可憐嬈嬈秦淮柳今朝又上離人手離人手把柔條看柔腸低拂紫驄鞍紫驄一嘶人落淚誰當此際猶能醉綢繆執手問前期蓮子花開是到時但恐見蓮君不見令人空憶桃花面青青草色長干道偏使離人顏易藁秦淮上流即豐溪我心隨水不復西請看不斷秦淮水有心寧不相思死

雨中送期蓮生

執手難分處前車問板橋愁從風裏長魂向別時銷客  
路雲兼樹妝樓暮與朝心旌誰復定幽夢任搖搖

送劉冲倩

我欲留秋住寒衣不忍裁歸期何用速尙有小桃開

春日寄懷

月露西軒夜色闌孤衾不耐五更寒君情莫作花梢露  
纔對朝曦濕便乾

沈沈無語意如癡春到窻前竟不知忽見寒梅香欲褪  
一枝猶憶寄相思

紅蘭

姓無考句見赤崖孫暘集

句

情淚好隨潮水去送君雙槳到姑蘇

孫赤崖贈紅蘭詩序偶遊天津與紅蘭遇蘭能詩  
善調笑本浙東名家女余歸江南贈詩云云余有  
留別數首僅憶其一天津橋北酒家胡白板扉迎  
丁字沽近水桃花開竝檻隔簾人影坐當墟留髡  
醉月歌楊柳送客乘橋倡鷓鴣珍  
重旗亭尋後約紅巾小字淚模糊

顧娟娟

浙江嘉興縣妓也

贈別

南國相思子西番篤耨香留君充雜佩休賭紫羅囊

頓繼芳

江蘇上元縣舊院人也

畫蘭贈友

采采不盈掬昔以紉君裳君裳歷九秋馥郁時在傍相

思卽相見從此罷新妝

圖繪寶鑑頓繼芳南京舊院名妓畫蘭贈友共詩云云

張喬

字二喬廣東廣州府妓工詩善畫著有蓮香集

四卷

楚庭稗珠錄花塚在白雲山麓梅花均粵妓張喬葬處也張喬字二喬美而工詩陳文忠復結

南園社集名流十二人喬每侍公弄筆墨賦詩善畫蘭公嘗為題云谷風吹我襟起坐彈鳴琴難將公子意寫入美人心其眷之如此喬詩清皎有風致年二十一病垂危彭文學孟陽以數百金贖之喬竟不起孟陽葬之諸名士暨送者數十百人下至緇黃人詩一章植花一本以表之號曰花塚凡弔喬詩及喬傳墓志孟陽集為一編載某人栽某花而刻喬遺像其上字畫最精麗是時嶺表安樂富貴風流裘屐少年各尋勝事老子於此與復不淺故文忠巍然領袖其間豈意鳧篋下於鹿臺講肆荒於馬隊而相國太僕俱授命行間南園遺芳已風流雲散不可復識况美人之黃土哉喬之墓銘則黎太僕作也誌中傳喬夢河伯來聘辭之不得憶河伯鮫色乃越境耶喬有蓮香集四卷

送黎孝廉美周

春雨潮頭百尺高錦帆那惜掛江臯輕輕燕子能相逐



怕見西飛是伯勞

送李山人烟客

子夜徵歌特底忙  
奈何花月是離觴  
春江千折牽遊舸  
若个津頭柳線長

香作飛塵玉作烟  
輕寒微月養愁天  
梅花本是江南弄  
一疊關山倍可憐

古檀詩話美人能詩聲價十倍張麗人喬送黎孝廉美周送李山人烟客諸詩皆清婉多風得詩人比興之旨

王羽仙

字冰齊詩見冒辟疆同人集

詠並蒂茉莉

魂棲連理枝  
夢學鴛鴦語  
花開花謝時  
兩心惟自許  
花亦解相思  
幻出同心侶  
明月晚香來  
伴郎誰共汝

張婉

字小青一字婉仙江蘇華亭縣人後居西湖

漢玉鴛鴦枕

綠陰庭際影重涼  
風韻何如半野堂  
深入睡鄉猶未足  
應耽玉枕是鴛鴦

嘉文錦蓆

朝來雅集喜隨君  
冰簟鮫綃映水雲  
一卷湘紋輕似練

因懷捧硯待書裙

王賓儒

字蕊梅江蘇上元縣人居舊院善詩畫

梅花

虛名每被詩家賣素艷嘗遭俗眼嗤開向人間非得計  
倩誰移上白蓮池

圖繪寶鑑賓儒字蕊梅南京舊院人好文墨書史吟咏詩畫皆所究心有志相如終以不遇為恨究竟與委身蔓草者不同觀其梅花詩一絕云云寓意甚深

周文

字綺生浙江嘉興妓體貌閑雅儼如士人後失

身廝養卒悒鬱而死朱竹垞先生猶及見之

遊韜光菴與沈千秋分韻作

轉徑白雲近回風清磬殘霜花欺客眼江鴈怯秋翰片  
石泉聲細千峯日影寒烟深鳥不語歸路已漫漫

中春道中送別

酒香衣袂許追隨何事東風送客悲溪路飛花偏細細  
津亭垂柳故絲絲征帆人與行雲遠失侶心隨落日遲  
滿目流光君自惜莫教春色共差池

秋日過吳門感舊

香殘帶緩不勝愁又見蕭條一片秋身到故鄉翻是客

揚芳集 卷七十三 七  
心惟明月許同舟數聲新鴈凌江下幾點寒鴉逐水流  
遮莫平生多少恨閒吟欹枕更悠悠

暮春

會共看花發無端又落花春歸君亦去誰與惜年華  
坐起愁如織空齋但寂寥不關風雨妬春色爲誰凋

贈友赴南都

西風一夜白門秋萬里那知人倚樓寂寞漫憐桃葉渡  
管絃能起故鄉愁

句

掃眉西子多相忌未敢人前說較書

洪夢梨

字蕊仙號白雲道人江蘇江陰人卒後家西京  
收拾遺詩編之題曰白雲遺稿

我我齋賞梅

同江西  
京作

愁來萬事壓眉端忽覩梅開意自歡我欲問花花問我  
相逢夜半不知寒

送西京還虞山

亂頭粗服送君行分手難爲此際情願向生前拚一死  
好從死後訂三生

句

湖橋烟月浮空碧琴水山城入半青  
有限光陰丁噩夢不情風雨妬梨花  
可有風情依碧柳未須顏色借紅蕖  
花糝碧苔三月暮酒潮紅頰十分春  
茶釀碧香浮雀舌酒清黃色借鷺兒  
雙尖聳塔排空碧一澗噴泉倒立銀  
牧罷桃笙尋獨見夢回茉莉入通中  
山黛染成眉入翠火榴簪得鬢初然  
碧紅初泛盈缸酒黃白新標插架書  
結成舊恨兼新恨嫁得蕭郎是漫郎

簾碧琉璃三伏冷綃輕烟霧一身浮

風生蓮渚擎紅墮雨罨茶烟暈碧深

山雨嵌空籠黯淡柳烟橫翠入霏微

柳南隨筆洪夢梨字蕊仙號白雲道人江陰女子也才色雙絕往來多名士而尤與吾友汪西京沈琇暱吟社諸君以西京故閒以詩與道人相倡酬記壬寅春亡友吳靜川理招同人集三影軒分韻賦詩以寄道人各依韻和之和王露潛譽昌青字和孫陶菴鎔花字和周以寧楨藻字和許南交永和春字又見歲之夏西澗先生招同人集尊道堂分韻賦詩再寄道人道人亦各依韻和之西澗見字和露潛銀字和陶菴中字和孫麗明然字和侯秉衡銓書字和陳亦韓祖范郎字和西京浮字和靜川深字和予微字此數十句皆秀麗可誦又我齋賞梅同西京作病中送西京還虞山此二詩亦佳道人在近代蓋馬湘蘭王修微之流亞也不幸年未四十而歿西京收拾遺詩僅得數十首編

成白雲遺稿好事者爭傳之

范璣

字舜華江蘇揚州妓姿容窈窕名噪雷塘

真州看桃花

江柳風中亂桃花已暮春扁舟迎紫燕帆影逐青蘋載酒龍門會清歌洛水濱武陵從此渡片片溯前津

沙宛在

字嫩兒自稱桃葉女郎江蘇上元妓與姊遊蘇臺卜居半塘名噪一時人皆以二趙二喬目之後歸叱利鬱鬱而死著有蝶香閣閨情百首

曹溶贈嫩兒滿庭芳詞艷似陶金清還碾玉怕人喚作風塵溪邊送約落鴈故頻頻漫說愁來醉卧起波陀高下鋪勻疎狂處量他一斛捻就小腰身隨輕浪滾蓮花步暖輒盡無痕當年叱利假借堪嗔今日誰能拘管恒河自有仙真情何限千堆白雪占穩鳳樓春

閨情 選四

白燕雙雙入幕頻梨花香遍雪為茵夜來縱有游仙夢不作烏衣國裏人

小至時欣雲氣祥玉階漸見瑄灰揚不知邊塞征人婦可有閒情驗線長

朝來報道牡丹開拚取紅紗護錦堆癡蝶貪香尋不得  
遶兒衣袂百千回

從來月蝕最愁予繡佛龕前誦佛書凡世不知天下事  
嫦娥意念更何如

王藻珠

字里未詳名姬雪梅之女善詩畫

題畫扇

閑年漫訝久無詩獨立蕭條月上時故把一尊相憶處

梅花為放兩三枝

圖繪寶鑑王藻珠或疑即賓儒名姬雪梅之女題畫扇送人云云

擷芳集卷之之十三終

擷芳集卷之七十四目錄

青樓詩

古歛訥菴汪啟淑選

范雲 二首

吳娟娟 五首

李萼 句

趙彩姬 四首

花妥 二首

袁蘭婉 一首

吳媛 一首

張慧玉 一首

巧娘 三首

衛融香 九首

沈雅 二首

沈稚 一首

嚴慧娘 二首

文娥 二首

方裕清 四首

吳綺 二首

王梅英 一首

小娟 句

蔡瑞雲 一首

湘烟 一首

郝奎鳳 二首

紘達 二首

李秋蓉 三首

黃氏 十首

許玉筠 五首

姚婉兒 一首

蔡 閩 一首

陳翠雲 一首

高蘭玉 一首

擷芳集卷之七十四

范雲

字雙玉又字玉公江蘇甘泉縣名妓

古歛訥菴汪啟淑選

王士正秦淮雜詩北里新詞那易聞欲乘秋水  
 問湘君傳來好句紅鸚鵡今日青谿有范雲  
 徐波贈范校書詩秦淮春水流碧玉雙鴛自覆  
 烟蘅宿水引香魂漸向吳繁花開盡搖空綠芳  
 草沿門古岸橫相招吳語最分明深簾度曲家  
 家雨小閣嘗茶樹樹鶯耽遊年少看成隊來往  
 燈陰花影內新衣窄襪索人憐感夢馳情向誰  
 在桃李徒教蜂蝶忙幽蘭自愛谷中香聲名不  
 用量珠價詞賦須闕宋玉墻言甘體澤人思燕  
 祗向圖中偷半面齊梁格調未嫌卑凋悵詩成  
 見獨不

泛湖

輕橈沿碧渚泛泛得幽尋  
欸語微花笑新涼薦夕陰  
歌從鄰舫至酒向故人深  
莫訝歸徐晚前溪月滿林

答許介壽

碧水簾邊過玉駟柳枝深  
閉竹枝斜惟君細認門前路  
多種秋紅是妾家

吳娟娟

字麋仙廣東石城縣人本名家後裔流落不偶  
卜居金陵善畫工小楷尺牘著有萍居集

宏濟寺

翠巘何年削丹崖此日過江流  
澄夕霽梵唄雜樵歌界接人天  
近光涵水月多登臨殊未已  
前路有巖阿

遊牛首歷祖堂獻花巖

漸覺雲烟幻還看法界奇  
巉巖翻秀靄庭樹弄幽姿  
天女花香散融公石跡遺  
謁來初地息山月影離離

雨花臺

風日今朝勝烟霞此地偏因尋  
芳草約且喜故人連林靄叢  
幽壑江光澹遠天亭臯棲木末  
鳩鵲倚雲邊苔設龍蛇碣香遺  
翡翠鈿龍蔥浮灑氣繚繞麗晴川  
游俠黃金勒名流白雪篇徘徊歸  
路暝片月帝城懸



綽約來姑射凌波自絕塵近從詞賦裏描出洛川神

圖繪寶鑑吳娟娟字眉仙南直青溪人與閩中林茂之厚娟畫水仙茂之為作水仙賦今為石城陳宗來所藏自號羣玉山人題自畫水仙云云

仲春社集梅塢遙有所和

東郊霽色故撩人藉草分題興較真只恐仙郎遙惱亂  
青衫暗濕玉林春

李萼

字文如湘南名妓後歸李孝廉妒婦不容其母  
攜萼仍歸青樓萼茹胎素時念佛自懺素多病

風晨月夕雨牕雪案每對客惟以琴棋為娛著  
有流霞閣集惜未得見

句

無端幽恨憑誰說惟有山鵲伴妾啼

趙彩姬

字今燕南曲中能詩妓也與馬湘蘭齊名秦淮  
四美人之一 國初猶存

中秋對月

月從今夜滿秋向此時分莫惜金尊數清光喜共君

燕來

獨坐掩羅幃愁看雙燕飛思君不如燕一歲一來歸  
送沈嘉則游廣陵

秋風吹送木蘭舟處處青山待隱侯莫向青山歌玉樹  
揚州花月使人愁

憶故居

柳絮春泥玉壘封珠簾深鎖暮烟濃分明記得雙棲處  
夢繞香樓十二重

花 妥

字友鶯江蘇上元妓爲方樓岡學士賞識著有  
麝迷詞等稿

絕句

蒲柳庸姿也鬪春何緣逐隊入風塵章臺有客心相向  
裘馬翩翩絕少人

牆桃原不是天香怕惹尋常蜂蝶狂但使仙緣欣有託  
漫云劉阮盡仙郎

方樓岡和詩學語鶯雛始識春沾泥柳絮不飛塵  
使君莫作鴛鴦羨知是羅浮夢裏人深房雜坐酒  
卮香莫笑淳于老更狂偷眼燈  
前誰是主桃花原自認劉郎

袁蘭婉

四川眉州妓

書扇

一枝逐浪到長沙閱盡秋冬春夏花自恨身輕不如燕  
差池廿載未歸家

吳媛

字文青號梁溪女史江蘇無錫縣人善畫與華

亭妓倩扶並為吳祭酒東山勝侶

國朝畫徵錄倩扶華亭人善花草多寫意工詩  
有集嘗口占一絕調善書者張星云年少翩翩  
客風流弱冠初能將畫眉意悟入折釵書同時  
有吳媛和詩云云媛字文青無錫人白號梁溪  
女史亦善畫有墨荷圖設色菊花扇兩人並為  
東山勝侶後蘭陽有豐質者字花妥妙音律善  
演劇而性度閑雅焚香鼓琴好畫墨蘭學王覺  
斯法花葉舒暢瀟灑絕無拘滯修飾不得以風  
塵筆墨忽也寓居睢州女校書春愁纔妥上頭初  
叔岱詩云聞說睢州女校書春愁纔妥上頭初

今朝人卧梁王苑歌板糟牀只欠渠忽了悟  
即於睢州從一貧士勤苦作家卒年三十

和倩扶調友

風流京兆勝當初昨夜娥眉入夢餘每看晴山渾黛色

倒拈斑管不成書

張慧玉

山西汾州妓也

徐鉉本事詩注汾州妓張慧玉年十五色藝雙  
絕工小詩巧伺人意與笏山定情臨別出紅綃  
半縷賦詩相贈所書小楷學衛  
夫人亦成都薛濤較書之流也

雷珽汾陽別妓張慧玉詩一從塵外問春光頓  
減羈懷老更狂靜苑鳥聲漸白雪流杯鑑影出  
紅妝尚含暮雨花容潤欲縮浮雲柳帶  
長愁見峪南明日路遊蜂紛逐馬蹄香

咏蝶

尋芳浪逐賣花聲終日迷花太瘦生露濕縞衣憐粉褪  
風扶弱翅學身輕

巧娘

廣東海澄縣名妓也

春日冶遊雜詩 選三

賣餉聲裏夕陽斜挾彈王孫訪若耶纔過清明天氣暖  
鷓鬢多插木梨花

載酒尋春上海航銀盤先送喫檳榔南人真是多情種  
不惜纏頭脫鷓鷯

海港晴明水蔚藍落花如雪過春三登筵不用銀絲膾  
敬客先須佛手柑

衛融香

字紺雪江蘇長洲縣人悞落烟花然羞作倚門  
與韋子甫有終身之約後歷險阻不負初心

韓矩紺雪詩序略今年春友人為余言衛紺雪  
之奇余始徒步一訪之出婁關之外四五里橋  
西有屋數楹當門老松輪囷立剝啄啟雙扉而  
入修竹蒙密護樓閣鸚鵡喚茶栗留罵客院內  
則假山甃池庭中列尊彝圖史始悟天台武陵  
近在人世間也紺雪出肅余年可十五六舉止  
大雅不羣髮潤肌香且毫無脂粉習氣與談詩  
則上自建武黃初以及建安永嘉開元天寶元  
和歷歷統晰其源流似讀酈道元水經莫不貫  
穿周悉字則學簪花小楷畫博採南北兩宋間

以已意出之多生動活潑之趣問其奔日黃新安可以讓二子篆靄香清甌翻茗熟為撫琴操風入松之曲移時抽匣中雙劍起舞令人目駭色戰歛然若驟馬之迴坡而颺風之撼樹也暨熊經鳥伸黃芽白雪之說亦遊戲畧涉其指情既洽酌余釀撥鴟絃嫋嫋而歌乃自製四時宮怨楚江情一套其歌喉婉轉柔媚信可敵秦青桃葉與唱和數律而返忽神喪者屢日逾二年遇錢扶南於章江出緝雪近稿証余併記其事甚悉云本名家之女賣身救父遭小人悞墮苦海能以智術全其身得韋子甫定情焉韋子辭索米他去緝雪即閉戶假母數強之屢拔劍欲斷其頸幸以繪事易錢日可積金奉假母假母利其有畫資又畏其能劍術也亦聽之惜韋生彈鋏他鄉落魄不能歸遂願數寄書令其他適緝雪堅完璧以有待有大帥欲得之壓之以薰灼之勢緝雪先以死辭之無何避地而遠遁今竟不知其在天之涯地之角也錢子之記如此余恨不能作古押衙成章臺千古佳話而海內豪俠絕種併崑崙奴亦息影又安所得郭解

劇孟等輩乎既序緝雪之詩兼傷韋子不遇又幸韋子不遇以成緝雪之詩也

### 夏日卽事

萬綠陰濃處空庭日正長汗融冰簟滑粉漬翠屏香小  
鼎雲生篆輕甌雪露光畫簾低不捲燕子戲穿梁

### 午日

強向庭闈聚尊前醉碧觴心隨人共遠愁與日俱長燕  
引雛歸幕榴含子笑房寸心多恨事蘭芷弔三湘

### 雪中偶成

人去天涯遠重門雪又深幽光浮短劍冷韻上孤琴日  
月陰能掩樓臺勢又侵空閨愁對爾把茗一哀吟

春日遣興

暮山微染黛痕輕一片烟絲撲短楹說盡春光梁上燕  
喚殘午夢樹頭鶯方塘雨足香芹嫩曲徑雲和夕照晴  
淪茗朱樓尋好句月明猶聽賣花聲

病

心事無端觸絮長蕭騷眼底又春光鶯花二月人千里  
風雨三更病一床破夢行吟鑽故紙休糧合藥得新方  
會須縮地蓬壺去笑擁王喬醉碧觴

秋日懷韋生

江城秋氣入蕭森碎盡相思兩地心歲月無情催黑髮  
關河有淚哭黃金薜蘿爭亂芙蓉色絡緯愁兼蟋蟀吟  
寄語君平情未斷章臺楊柳尚陰陰

題畫

山雲靜不流翠滴烟中樹野水斷橋人抱琴疑問渡

寒食

春來日日枕愁眠不到清明早禁烟知爾他鄉傳好句  
東風御柳咏江天

夜雨

空階爛葉擁苔深罵樹寒禽亦厭陰不管人間眠不得  
一聲聲總滴愁心

沈雅

字倩扶江蘇華亭縣人黠慧有殊色善畫工詩  
與無錫吳媛並為吳梅邨東山勝侶著有集惜  
未之見

冒襄已巳端陽詩序戊午丁藩臺為余移家江  
南以飛仙官舫假余住沙盆潭自午月朔至端  
陽凡五日夜畫船簫鼓珠簾翠幄傾城士女上  
下遠近迴繞過來自余短視觀之人入絕代得  
未曾有也余擊鉢成詩兩姬推牕作蒲榴花鳥  
時有詩妓沈倩扶日搖小舟來乞詩索畫屢日  
不去皆  
勝事也  
今世說雲問諸乾一董蒼水于重陽後作神山  
之會即彭仙人棲神處也時婁東吳梅村在坐  
連遣覓女郎猜扶必不得夜分泥上張宏軒刺  
史來赴投刺後吳命以已車迎入使者傳覆需

兩車人頗訝之及至則挾一衣冠少年光豔脂  
射若薄雲籠月人各却步且不敢詢姓氏及移  
燭燭之則倩扶  
也一座譁然  
海上詩鈔倩扶居吳淞江性慧能言有殊姿為  
時名士所悅吳梅村細林夜遊送別詩云遠翠  
人顰眉輕寒袖半垂花生神女廟月落影娥池  
深竹微風度晴沙細履移回看下山路紅燭為  
誰遲  
朱奩天錦贈倩扶較書詩亭亭不讓杜韋娘扇  
底歌聲繞畫梁莫道才人偏愛色最銷魂處轉  
光波

調張星

年少翩翩客風流弱冠初能將畫眉意悟入折釵書

國朝畫徵錄倩扶華亭人善花草多寫意工詩有  
集嘗口占一絕調善書者張星云云

題破水道人梅花書屋圖

閒凭烏几耽幽僻想見高人靜坐情  
牕外梅花牕內月與君心事一般清

沈稚

字偏紅倩扶女弟也詩見鄭破水梅花書屋贈  
言集

題破水道人梅花書屋圖

春天小閣梅開日繡幙輕風月上時  
想見滿身花月影夜扶殘醉起題詩

巖慧娘

順天大興縣人誤落烟花性巧慧嗜文墨復善

自韞晦

和夢筆山人贈別元韻二首

自愧塵埃蒲柳姿投桃深感贈新詞  
黃鶯也識春風好其奈殘花不受吹

好事從來多別離郎心如醉妾心癡  
他年名占清華籍豈但紗籠黃絹詞

夢筆山人留別慧娘元韻宛轉鶯喉絕妙姿  
碧闌小立唱新詞春風不競花無力  
只向章臺着意吹十幅烏絲寫別離  
蕭郎端是有情癡他時重讀消魂賦  
會記卿卿紅豆詞

文娥



揚子集 卷十四  
江蘇華亭縣人詩見橋李詩繫

賦荅沈上舍南疑

幾縷爐烟蕩晚風  
歛衣閒立小庭東  
生憎蝴蝶偏多事  
拂落山櫻滿地紅  
綠牕無事懶搗箏  
小捲蝦簾坐聽鶯  
客到不勞鸚鵡報  
隔溪吹送踏歌聲

方裕清

自署笠津孽女青樓中人也

題姚莊驛店壁

有序

風塵飄泊忽忽言旋為念鍾情恐傷岐路留汚  
旅壁代簡陳衷倘再駐車過此或念及鄙私更

望南轅  
返轍也

桂花開後話離懷  
柳驪鶯嬌約再來鶯  
老柳殘消息杳  
今年又見桂花開

無端憔悴負春光  
膏沐慵施廢曉妝  
極目雲天空悵望  
碧欄杆外淡斜陽

三春無賴又三秋  
落葉何心逐水流  
薄命自憐還自慰  
不堪回首不堪愁

臨岐留語淚紛紛  
幾度思量幾斷魂  
君若再來須記取  
柴門依舊芻羅村

吳綺

字繡君浙江嘉興妓與孝廉朱治憫甚暱遂棄  
其妻娶之 本朝初從宦東粵以終

自題蘭石

清影留紈素疎香隱石苔風微無所著濃淡有由來

冬日畫蘭便面

幽意隨有得呵凍聊寫生真堪紉作佩霜霰不勝情

王梅英

吳中名妓

絕懽吟

春來朝氣爽花氣接禽歌霧起園林好春山橫翠螺閉

戶望君君不見登樓忽見山開面春來萬木趁晴陰坐

對芳菲心閃閃踏春何處尋芳淚灑羅襟野花含笑竹

籬短野草連天陌雨淫墻頭柳拂迷人眼墻外鶯聲綴

字吟春日晴花正明去年雪阻梅花信今年晴逢桃李

新相思不見空投贈塚滿荒郊何處尋

隱居放言韻婦王梅英吳中名妓也性喜梅因字

梅英嫁楚宦宦死武林估客陳姓者娶之攜歸里

陳估性鄙吝與韻婦不叶婦因茹齋習佛事性喜

吟咏架上日置花間集草堂詩餘唐人百名家詩

各一部焚香靜坐念佛之餘間吟詩幾首聲揚戶

而投之其詩曰葩經三百授高徒風始關雖美且  
 都讀得鄭風投芍處恐教師姆也糊塗婦得詩含  
 笑藏之一日歸適其夫往吳門生訪其家遂以詩  
 與婦通慇懃未幾估從吳返生不得往於時梅花  
 將放婦念生不已手書一牋遂命小僮訂生晤于  
 尼菴之中其詞云賤妾庸流得交君子詩句行媒  
 托身有日矣不謂一天良月陡起愁雲人隔天河  
 無由得面憶情腸裂念舊心酸幸有隣居近地菴  
 傍梅花乃我密交尼獨居處也園深且僻可停君  
 子之驂徑曲而幽不致漁人過問况有書在架帶  
 草儘可娛情無鳥竊窺寒香皆能助韻雖蜂多妒  
 蝶之能而鵲有架橋之技無憂意外願續前歡早  
 望惠臨慰我遐盼英泣拜生得書如約而至於時  
 雨雪纏綿梅含未吐佑在家婦不能出生候婦已  
 久抱悶而歸呵凍作長歌一章名曰望梅行寄荅  
 梅英其詩云陌上晴梅梅氣鬱東雲作雨烟光拂  
 行行緩渡北山頭坐對愁雲意如蠅將心却事事  
 仍前長悼山阿何太愾失路迷津欲問蒼橫溪曲  
 澗路羊腸淒淒細雨凌巾角披濕拖襟步履踰陌  
 上梅何太晚信寄予來來復返空尋不得折花歸  
 不第

小娟

廣東妓也

題洋奩

膩滑無塵跡輕圓渡海來從郎索脂粉珍重莫頻開

句

宿墨恐隨烏鰂化舊詩重和寄雙魚

寄懷吳鎮

古檀詩話珠江徵歌度曲半在花船其居水榭者  
 曰薇仙居翡翠篷者曰小娟均善詩有寄懷吳梅

里鎮三十韻佳句云云凡樂羣諸社友詩成每屬兩校書訂可傳為韻事

蔡瑞雲

浙江縣人

贈賀生

何事求漿者藍橋叩曉關有心尋玉杵端只在人間

聊齋志異瑞雲杭之名妓也色藝無雙年十四歲其母蔡媪將使出迎客雲告曰此奴終身發軔之始不可草草價由母定客聽奴擇媪日諾乃定價十五金逐日見客客求見必以費贄厚者接一奔酬一畫薄者留一茶而已餘杭賀生才名風著而家僅中貲素仰瑞雲固未敢擬同鴛夢亦竭微贄冀得一覩芳澤竊恐其閱人既多不以寒酸在意及至相見一談而欵接殊殷坐語良久眉目含情作詩贈生云生得之狂喜更欲有言忽小鬟來白客至生倉卒遂別歸而吟玩詩詞夢魂纏擾過一二日情不自己修贄復往瑞雲接見良歡悄悄然謂能圖一宵之歡否生日窮蹙之士惟有癡情可獻知己一絲之贄已竭綿薄得近芳顏意願已足若肌膚之親何敢作此夢想雲聞之戚然不樂相對遂無一語生久坐不出媪頻喚以促之生乃歸心甚悒悒籌躇徘徊左右皆難由此音信遂絕

湘烟

江蘇上海縣妓後從良以終詩見海上詩鈔

海上詩鈔湘烟居邑城意態高雅不狎俗人每文士宴集使行酒則滿座盡歡中年從同里吳副車為妾

送別

丹鳳樓頭新月明黃龍浦口暮潮生贈君一掬無痕淚常作紅蕤枕上聲

郝奎鳳

江蘇上元縣名妓

詠古美人

一帶紅樓綠柳遮珠簾捲處是兒家清波門外春如許

腸斷香風油壁車

蘇小

梅自初花春自催人如姑射瘦如梅珍珠已謝官家賜

知是樓東寫怨來

梅妃

絃達

姓失傳詩見夢餘詩話

崔樓

夢回紅日滿牕紗亂挽烏雲鬢未鴉梳洗正忙人語沸

隔江來送蠟梅花

後湖

旗亭貫酒不論錢可意人兼是妙年殘月曉風楊柳外

祇應教唱柳屯田

夢餘詩話校書絃達有咏物詩若干首久膾炙人口今舊板已失不可復得嘗記其崔樓後湖二詩絃達自恃才華風流倜儻讀此可畧見一斑矣

李秋蓉

江蘇吳江縣人舊家門第流落烟花早世詩不

多傳

鏡緣子李秋蓉傳李姬秋蓉吳邑名家女性聰  
 慧詩文圖畫靡不畢覽年及笄椿萱繼謝姬故  
 家貧生計日迫因售身營葬其父輾轉誤入烟  
 花然以金屋掌珠厠足平康本非素志以故恒  
 抑鬱愴父俗子百計揮金終難買當筵一笑也  
 癸未春余探花鶴市聞姬名重北里至則弱質  
 臨風亭亭玉立修眉鎖黛楚楚可憐腸非鍊石  
 能禁繞指三匝耶時日方卓午戲以鏡光逼姬  
 此鏡中花汝知否姬笑曰當是鏡中緣耳因相  
 與流連終日偶檢案頭見有浣塵草姬製也余  
 日以子口厭珍羞身嫌羅綺溫柔鄉意頗不惡  
 何所作悲怨乃爾姬曰優孟衣冠當場涕笑豈  
 本懷耶薄命女只此慘澹數行倘得情見憐庶  
 不隨鏡光掩沒因泣訴巔末被陷事甚悉余為  
 動容首肯遂交贈玉釵金鏡共訂同心孰意好  
 事多磨再至則重門晝扃籠中鸚鵡莫得簷前  
 一喚矣無端媒孽莫測風波苟有深情安能永  
 隔方思蹈危險覲姬一剖離恨且圖後計而翩  
 然燕使早集庭間啟視之則姬自繪敲斷玉釵  
 紅燭冷照并題詩三絕百計寄余以堅舊志者

也蓋姬自余別後坐卧一小樓名公俊士禮幣  
 踵門拒弗接以是櫻狂且怒玉釵誤折猶朝夕  
 拈斷簪矢以死生無異志乙酉秋獲奇策始脫  
 網羅得遂冰操焉余憐其情之篤志之真為填  
 鏡光緣傳奇以紀始末嗟蓮種汚泥芳心不  
 染玉埋瓦礫皓質無虧世有鍾情不惜齒頰餘  
 芬錫以咏吟異日傳之  
 藝林當亦風流雅話云  
 古檀詩話癡情翻成韻事虹亭太史曾孫徐榆  
 村熾風流跌宕悅吳門一妓李秋蓉秋蓉工韻  
 語洞庭春波魚信往來皆詩筒也揮千金購之  
 不可得後為有力者攜之北去望遂絕乃于太  
 湖濱買隙地築石起小冢繪已及秋蓉像貯一  
 銅匣中合葬冢上表石碣曰秋蓉李娘之墓墓  
 旁多梅竹游春者輒過訪之秋蓉懷榆村佳句  
 云敲斷玉釵紅燭冷摘以繪圖遍索名人題詠  
 凡賦詩者贈墨二錠其墨上刻秋蓉小  
 像此一段可補入君家本事詩中矣  
 又吳江費濱葭有題李秋蓉小照云晚粧慵卸  
 倚西牕燭影低搖鬢影雙憶得前宵殘夢裡春

帆一水  
到吳江

題自繪敲斷玉釵紅燭冷照

支頤寂靜數更籌  
薄薄輕寒掩翠樓  
紅燭半殘香夢杳  
思君空擊玉釵頭

湖山迢遞隔天涯  
泣寄愁容半幅紗  
展卷湯嫌憔悴甚

秋蓉本是斷腸花

王百穀有芙蓉號作斷腸花句

破鏡寒光一片愁  
飛花忍逐浪花浮  
他年化作啼鵲去

願瘞吳江土一坏

鏡緣子和韻詩訪得名花第一籌  
江烟千里鎖秦樓  
瓊釵漫使和腸斷  
鏡裏虛緣合並頭  
離愁兩地憶無涯  
欣得芳姿寫素紗  
一自臨風展卷後  
庭前怕見玉簪花  
盼斷巫陽暮雨愁  
夢魂空逐楚雲浮

欲知情種千秋恨  
他日遺香半土坏

黃氏

字馥清廣東番禺縣人

哀楊生

烟花流落幾經秋  
賣笑門前滿面羞  
檢點豪華貴公子  
多情只有韋蘇州

記得相逢二月天  
合歡盃罷賦新篇  
陽春白雪誰能和  
押得錢錢深受憐

何人丰度最踟躕  
一見蕭郎意惘然  
莫謂風塵遊蕩子  
箇中亦自有神仙

連夜樽前酒極歡方期長此共盤桓天心人事真難測  
消息傳來鼻欲酸

能書能畫復能詩制府垂青衆所知料得顯榮君有日  
因何膽識窄于絲

肝膽知交世所稀酒杯兄弟事全非君今與世成長別  
却有何人淚滿衣

有無儘可着儂知隱隱心頭類屬癡縱使千金求不易  
何妨爾我共躊躇

自君之出首飛蓬少婦情濃夢欲東誰料封侯成絕望  
却將何計慰閨中

僊旒飄搖蕭寺空我來哭奠淚垂紅幾時移櫬歸南去

消受孤兒一陌通

多情人卽薄情人十首詩成何益君從此幽明成隔絕

休言暮雨與朝雲

許玉筠

字婉珍號玉峰女史江蘇崑山縣人本儒家女

嫁非其人以至身不自主著有花晴閣吟草

方少尹塘花晴閣吟草序嘗讀王廣文次回疑

雨集朱竹垞供奉江湖載酒集均有贈曲中女

郎詩詞廣文所昵者曰左阿瑣供奉所昵者曰

晁靜憐其詩註中云阿鎖問則天是何處姊妹  
猶然笑之是阿瑣不通文史矣其詞中云行四  
曲中人定識祗莫問謝三娘註又云靜憐行四



謝三娘不識四字唐時童謠是靜憐目不識丁  
矣至如近日武林友人墨莊氏所昵者曰周瑞  
貞其初晤時值寒夜擁衾而坐瑞貞云奴有詩  
二句與奴同下泱泱有鏡中人君為足成之墨  
莊為足曉起臨粧嬾連宵夢遠頻十字亦復佳  
未能終篇並未能成集甚矣間氣鍾于婦人之  
難鍾於曲中女郎難之難也今觀花晴閣吟草  
雖僅僅斷句一體詩餘又一體然已哀然成集  
矣或者疑昵之者為捉力英雄細譯之縱脫却  
脂粉習氣而一種婉變蘊味意態時時流露于  
行間字裏其為玉筠自製奚疑不意姹女工數  
錢中乃有此未易才彼瑞貞者固當終身北面  
若阿瑣靜憐輩直宜署為粧閣隸  
調鉛殺粉掃地焚香服終身役耳

清明

掃盡梨花獨掩門  
深沉院落坐黃昏  
小樓厭聽紛紛雨  
不是行人也斷魂

蟹

橫行公子笑無腸  
郭索江邊覓稻梁  
珍重華筵陳鼎鼐  
畢家吏部愛持觴

梅花

暗香疎影句難題  
品本無雙孰與齊  
千古花魁君獨占  
瓊瑤踏碎灞橋西

端午

競渡龍舟次第開  
喧天金鼓鬧蘇臺  
水嬉士女人千萬  
誰讀離騷弔屈來

蘭

谷處巖棲幾許時春風援引上烏皮相看不羨宜男佩  
但臭同心便贈詩

姚婉兒

江蘇江都縣人僑寓白門工絲竹小詩

壽陳東橋

懸旛重為祝年華南國才人擁絳紗渴疾未能消沆瀣  
離情誰擬賦琵琶雕梁白燕菖蒲院珠館青衫薜荔家  
寄語蕭郎勤掌故難忘最是上林花

蔡閩

字小秋山西代州妓

送別

銀燈燄短金罍歇欲語離情舌如結今夜蕭蕭一陣霜

明朝馬上看黃葉

水曹清暇錄山西代州妓蔡閩字小秋以閩七夕  
生故名巽一守汎武職交好其人移駐他處同人  
餞別分韻閩得  
葉字有詩云云

陳翠雲

江蘇無錫縣人

呈座客

小駐華軒日欲斜論心且盡一杯茶多君情似桃潭水  
可肯殷勤載落花

田居隨筆予薄遊金閭客有詔陳姬翠雲能詩拉  
同訪之至則小軒曲檻瓶花茗盃楚楚有致及接  
見淡粧素服絕不類倚門賣笑之輩進茗亦極精  
妙相對寒暄數語見予慨直遂以原委見訴始悉  
本無錫老學究以詩書遂能作有韻語字非其人誤  
講藝學究教以詩書遂能作有韻語字非其人誤  
落烟花眉睫間當有愁態予叩以詩佯推不知容  
勉強之始云平日所作隨手棄去存之何益命婢  
重煎芽茗美筆移時出一絕云云子隨走筆次韻  
云忽漫相逢在狹斜如何誤吃曩時茶隣才惜別  
情難遣愁看庭前  
日暮花一笑而別

### 高蘭玉

直隸留智廟妓

別綉貞妹

簾裏餘光馬上明玉釵倒插且長征  
研羅裙畔秦箏曲

### 變作關山笛裏聲

諧鐸沙河跡至平原二十里鋪土倡流寓者動以  
干計予客鄭州時曾作北地臙脂譜序中有白茅  
蓋屋曾無燕子之樓黃土為床絕少芙蓉之帳泥  
漿半勺馬長卿消渴之茶鬼火一星宋子京高燒  
之燭等句蓋醜詆之以為狎遊者戒也偶於商家  
林見旅店壁上有贈妓地栗兒一詩曰芳名未許  
近花叢家住蓮塘東復東應是前身鄭家婢至今  
猶自辱泥中贈妓黑子鬟一詩曰幾度粧成照墨  
池烏衣巷口美嬌姿梨花深處渾難覓立到黃昏  
月上時詩筆婉麗惜所贈非其人耳後來都中述  
諸金進士梅金笑曰何地無才君勿下眼相顧記  
在北留智廟見里中有高蘭玉者姿貌端秀能誦  
崔國輔小詩吐氣如蘭居然有劉采春李秀蘭一  
輩風度予疑其詭回南時便道過訪已為大腹賈  
以千金購去其妹繡貞出留別詩示予其詩云云  
因喟然曰傾國佳人本生北地自與粗釵盆粉為  
伍幾至湮沒不彰則漿家餅肆狗屠釣客中抱才  
未遇者不知凡幾也書此非為煙花生色亦俾求

才者不狗  
於俗云爾

擷芳集卷之七十五日錄

無名氏詩

古歛訥菴汪啟淑選

吳中閨秀 一首

邨女 一首

鴛湖女子 四首

夢兒 句

東海閨秀 句

胡介妻 三首

平陽烈婦 三首

農婦 句

關西女子 一首

容湖女子 二首

琅玕 二首

楊州女子 句

鄭端媳 句

萬里女郎 一首

湖東孀婦 一首

婁江女子 一首

舟中女 一首

湘楊女子 三首

富翁女 一首

邯鄲女史 一首

無名氏 一首

萊陽女子 句

陳典女 句

姑蘇女史 句

石門驛女子一首 西江怨婦二首 金陵女子一首

阮翁婦一首 滄溟女子六首 黃夫人二首

采香女史一首 郭姓妻一首 竹林女子一首

宦家女句一首 實店女子一首 無名妓句

竹筠女子一首 未亡人一首 江陰女子句

某婦句一首 西冷女史二首 失名十首

明湖妓一首 梅田女史一首 某氏女句

慧兒句一首 富室女一首 徐煥龍媳句

擷芳集卷之七十五

古歙訥菴汪啟淑選

吳中閨秀

贈宮婉蘭

雲髻偏宜試晚粧石床苔潤恰新涼採蘭愛向花前立  
羸得羅衣滿袖香

陳維崧婦人集吳中閨秀贈海陵宮婉蘭一詩云  
云婉蘭宮進士名偉鏐女歸余友肩無譽曲室唱  
酬才情朗暢伉儷之篤亞於墳簞矣婉蘭尤  
工畫墨梅雪葉風枝條然有偃蹇瑤臺之思

邨女

荅范生

蝴蝶雙飛陣陣來何如采石作天台勸君莫學胡蜂採  
結蜜招殃繫栢臺

隱居放言科場關節盛行江南一范生者家種德  
致富其孫幼聞市人言買科心艷之寓鷺峰寺見  
一白鬚老持筆來賣告生曰蟾宮近婦娥也生聞之  
吾筆者必折桂手他日步蟾宮近婦娥也生聞之  
笑曰爾筆之妙一不至是乎老應之曰君少年貌奇  
偉何患婦娥不得近也君信我當為君作婦娥媒  
生又笑曰婦娥在月中古語也豈今時可得耶老  
又笑曰婦娥在人間君固不求耳求則得之矣生  
戲之曰爾能為我作是媒當以百金報老莊然正  
色告曰某村有一女吾隣也年十六貌賽婦娥父  
新喪其母欲贅一少年多有不合意者以君才貌  
適足當之君願此立可為也生笑曰果有此乎老  
曰吾鬚已白豈有造妄欺少年者所告乃實語非  
謔辭也生異之即囑老為媒老同生買一舟直抵  
采石磯其地果有一女年十六丰姿奇麗先是老  
已至其家賣針許與作伐訂三日回話屆期老果

至其母在門候見同一書生翔祥而來母大喜曰  
當是吾家婿矣留書生在室細詢之書生亦求見  
其女隔簾望顏色真如婦娥在月中也生以金珎  
墜玉雙環為聘母納之遂許婚生念科場近訂以  
塲後求贅母不允即囑是老為儂椎牛烹羊召親  
友成禮焉越半月生猶恨機會之失也心念之作  
詩別女曰一入仙源會再來阮郎何必戀天台鹿  
鳴鼓瑟催人去且別粧前玉鏡臺女答云云生悟  
知關節不可為也遂不往其年買關節者皆中式  
後獲禍生得免具告其父備語白鬚人狀父大異  
曰即爾祖也

鴛湖女子

和某生詩四首

文士非無行其如薄命何今空思化石昔悔不投梭紅  
葉詩猶在青春日易過自憐憔悴甚嬾復畫雙蛾

多病腰肢瘦年來減幾分奩餘螺子黛箱疊石榴裙悞  
解江妃佩羞迴織錦文屢憎春夢惡相見尙慙慙  
追憶從前事空閨漫自評君何曾薄倖妾愧負多情書  
記人千里燈挑夜五更別留衣帶字磨滅不分明  
踐盟原不易况值世情涼自分姻緣短空嗟歲月長簫  
聲孤彩鳳燕語傲雕梁共訝癡兒女無端涕滿眶

樵李詩繫女子楚人明未隨父官白門南都失守  
父歿於任有母黨宦浙欲往依同母舟過嘉興遇  
中表某生亦避亂寓此一城暫憩生亦才貌俱優  
女私與訂盟未五月而郡城復破生爲兵虜挈以  
歸燕勢不能還寄詩通問女子得詩感和隨病而  
亡念女初未字與改節不同卒至死不貳與守貞  
何異其偶存四詠亦非白頭吟胡笳拍比時遇兵  
燹遷徙無常亦恐墮家聲秘勿敢語故鮮有知之

者竟陵江楚望爲女之至戚出詩以示  
人并述其由有雪溪放翁者梓之以傳

### 夢兒

句

惆悵佳期不復還有似銀餅墜智井

陳維崧婦人集陽邱道上盧氏店中曾有女子於  
七夕題絕句壁上前一小序未署云天孫渡河之  
夕夢兒書夢兒蓋其名也詩  
後二句云云餘不復記憶矣

### 東海閨秀

句

爲愛南山青翠色東籬別染一枝花

龔煒巢林筆談東海一閨秀作藍菊詩云云佳句  
也予以別字尙硬爲去其側刀人稱爲半字師

胡介妻

浙江錢塘縣人詩見旅堂詩選

與眉夫人汎渚

殘日下林木輕舟汎渚中蘆看兩岸白楓憶萬山紅澹  
澹秋光裏泠泠曲港通蒼涼石橋畔似與去年同

寄外

深惜饑驅苦相依童僕羣開書知別久臨鏡惜釵分春  
酒淹歸騎梅花憶隱君長安何處是千里望寒雲

有寄

空山蘆荻滿秋堤客路清霜夢不迷寒磬一聲黃葉寺

知君起舞爲鳴雞

平陽烈婦

不詳姓名所適

唐城邨題壁

紅顏何事盡成灰棄女拋兒逐馬來夫面不知何日會  
妾身此去幾時回兩行珠淚頻偷滴一片愁眉鎖不開  
今夜清風天上月存亡二字苦哀哉

古澁能分濁與清妾身怎肯墮風塵孤兒未許從他姓  
烈女何曾事二人白練自懸心似鐵黃泉有恨骨如銀  
深山鶴淚猿啼處過客聞之亦慘神



又絕句

血淚春山染碧紗  
哭聲直入河東家  
樓前記得孤身死  
願作來生並蒂花

彭禹峯集女因姜帥之變沒于兵自縊定州北唐城村炭書四絕此壁改作土人不能全記予乙未八月至其地尋墓弔焉秋樹蕭滅香骨澤畔封不及尺蓮房在左有一諸生云女年可二十許艷甚兵兒射睡雉經柳枝馬蹄既遠居人埋玉十餘日後乃見文昌閣壁字痕所書日月是營屯所至女子死期也女不書姓噫傷已

山西通志平陽烈婦不詳姓氏亦不知何許人姜瓖之亂被掠行至定州唐城村清水河側帝君閣下以柴頭書絕命詞於壁自縊而死定州王知州具棺殮之致祭立墓殮於閣後勒詞于石豎之閣下其題壁云妾古晉平陽名門之女因姜瓖作賊為所掠百般逼辱抵死不從行至古滄中山陶唐

農婦

故地回首家鄉歸期永斷涉水登山何時是止思父母不得見想丈夫不能睹時庚寅四月十五夕也明月在天清水在傍願自盡於此上不愧於父母次無慚於夫婿庶幾與水同清與月同明而已

蜘蛛也惜春歸去  
網著殘紅不放飛

巢林筆談傳聞吳縣有農婦素不識字見蛛網飛花忽得句云云姑誌之

關西女子

詩見登封高貢生一麟矩菴詩質中

旅邸題壁

萬里風塵何日回  
思君無計遣愁懷  
離情不似東流水

纔去心頭却又來

容湖女子

本良家女為宦室婦詩才敏妙篇什甚多特以外君戒其吟咏故姓字不傳所見只此二首

春夜讀史

城頭更欲起鳥息樹常幽遠月生虛夢澄天洗舊愁樓高春露重花瘦暮烟稠慷慨前朝事青燈照水流

別曲

長短亭前水自流絲絲弱柳送行舟君舟好載青山去免使蛾眉相對愁

琅玕

德州人也

旅店題壁

自序妾家齊右歡是吳儂玉樹其人紅葉贈我既見君子信綠綺之可媒我思古人願紅拂以為友佳人久嗟薄命好緣肯俟來生苦海斯離多露弗畏寶馬踏來剛半夜老崑崙焉所用之彩鸞飛去向天邊莽叱利從茲逝矣聊題短句用示情痴

何須押衙妙手五更暗度香鞍誰續奇女子傳小名喚作琅玕

昨宵紅拂深閨今日高唐去矣自憐身似楊花願向天涯情死

揚州女子  
陳其年婦人集女子濟南德州人也曾有詩云云  
字數不多讀之居然悵惘

揚州女子  
姓名遺失句見揚州府志

句

江靜猶堪沉弱質月明誰與弔孤魂

揚州府志揚州女子遺其姓聞兵至投入河中死  
遺詩一首有句云云

鄭端媳

句

尺綃從報命便是百年情

江南通志鄭端媳某氏江寧人端聘媳未迎子病  
沒媳聞訃題絕句二首有句云云遂闔戶自縊

萬里女郎

青羊店題壁

獨抱寒衾憶夢眠

第二句  
失

馬啼得得行何已歸雁提提

又近年

陳維崧婦人集鄒平西青羊店逆旅中有女子題  
壁者自署萬里女郎詩云云蓋和唐人韻也亦宛  
轉可誦

湖東孀婦

贈人

二月春光好堤邊柳始花吟詩千萬首當贈阿誰家

隱居放言西湖二月桃花節有一書生放舟湖上  
舟中置杯酌甚精硯墨皆唐宋法物隨舟所至每

題詩自况過湖東邁一孀婦才甚佳貌甚美家亦甚饒其夫歿已踰三年矣訪婚媾無適意者一日坐湖樓望春竊睹生儀容閑雅心異之遂題詩一絕密令侍女投舟中貽生其詩云云生得詩駭之即移舟樓畔隨命侍兒復婦詩答曰客子遊來倦何曾敢戀花抱琴人有意解渴問伊家婦得詩留意書生密報一字命其繫舟湖岸夜半與生會所贈寶翫衣飾最富人有覺者妬之首於錢塘令令以風俗事關吏治命差出拘生生出語狂放令怒欲申文督學生笑曰奈何以風流殺才士今日生才何長生日文章而外頗善詩賦令即以今日事為題援筆立就曰桃拂春風柳拂鶯騷人何處不留情當年不作揚州夢今日何人說杜生今日詩雖佳孀婦非妓也生又賦詩獻曰偶爾相逢蜀道濱相如不是薄情人豈知琴意能挑鳳惹得王孫怒氣嗔令奇之釋還

婁江女子

荅人

荒樓何處忍吹簫寂寞燈前涕淚遙忽看病中書信至却傷今夜是元宵

陳維崧婦人集婁江女子燈夕寄荅一絕清怨迢迢耐人尋味詩云云閨閣中有如許思理惜已軼其姓名原唱係襄陽年少所作有一行清淚了元宵之句辛楚欲絕亦不知誰家年少殊可惜也

舟中女

詩見 國朝詩選

贈蝶

蛺蝶翩翩何處來  
醪醖花下日徘徊  
狂風無賴生吹去  
花為含愁不忍開

湘揚女子

題新城三家店旅壁

家本維揚系出湘楚幼弄章句長嫺詩辭感公  
 子之情重矢白首以同歸懷彼婦之肆讒竄綠  
 衣于異域茹荼嘗藥會刺血寫經願結來世之  
 緣歷暑徂寒惟孤燕征鴻共續中宵之怨宛其  
 心碧死亦宜然時見葉紅生則徒爾乃幸鶴羹  
 之什化彼閨中牙使之章得專閫外殷勤驛使  
 正值折梅瘁瘡僕夫欣如御李偕予父母骨肉  
 而三及彼朋從男婦共七盼都門在即慰此悽  
 魂感往事關心深予縻淚但得安小星之常數  
 即已荷夫人之深恩遠非托小青氏之荒唐近  
 竊羞會稽女之怨對庶幾君子憐我不知  
 穢陋之章風人有心採入金閨之秀云爾

記得當年別後粧楚天一帶水茫茫春容消盡渾閒事

怕向籬邊摘海棠

經年不斷佛頭香願祝夫人壽未央不敢專房稱冠寵

開箱惟取舊衣裳

情識郎非薄倖郎其如無計覓鷓鴣幾番鴻雁臨時字

韻骨柔心帶刃鉞

朱中楣和詩云旅店無心理舊粧春回秋去只茫  
 茫清風一度驚殘夢羞把愁容對海棠君郎真似  
 虎林郎加意何勞更覓鷓鴣願得夫人憐窈窕翻將  
 鉞線化刀鉞悠悠然筆墨有餘香細讀殘吟夜未央  
 惆悵不堪勞夢寐  
 依稀如見舊紅裳

富翁女

字里無考

題桐葉上

新桐初引人皆好少頃婆婆秋漸到何如早得賞心人

幾葉題詩相贈報

堅瓠集有一富翁女自幼聰俊能作詩詞父母欲擇一佳配殊難其人以致年十九而未嫁終日抑鬱一日見梧桐落葉遂題詩其上云云父會其意即擇一富厚者嫁之詩能感人如此

邯鄲女史

字梅姿直隸天津人詩見 國朝詩選

送沙白岸

風雨離筵燭淚傾柔腸斷盡幾吞聲此生應是前生債  
休令他生更此生

無名氏

隨外北征

夢寄車塵馬足中依稀綺疏夜燈紅無端野鶴鳴寒柳  
驚起愁心對曉風

陳維崧婦人集濟南東王舍莊壁不著姓名題詩云云後小字旁注隨外北征

萊陽女子

句

淡處是山濃是樹雨晴鎮日不分明

國朝山左詩鈔冷玉娟傳附載云同時萊陽亦有才女姓氏未詳嘗有句云云忘其全首附載于此

陳典女

字未詳江蘇常熟縣人

句

一春羞見雙飛燕五漏愁聽三唱雞

柳南隨筆陳典字玉先邑人也善畫牡丹一時推  
重生一女頗能詩嘗作閨怨一首以溪西雞齊啼  
為韻而以一三三四五六七八九十百千萬億丈  
尺兩雙半十八字運入八句其第二聯云云好事  
者至今傳之

### 姑蘇女史

句

銀缸燒盡心還熱畫鼓金樽月已西

陳維崧婦人集耕塢老人為余言予壬寅過鄭州  
見驛亭有姑蘇女史芳芸詩猶記其末句云云最  
為清麗其全首錄藏敝篋曾舉似映然子即采入  
名媛詩緯王考功所載亦余言之也予閨人亦有  
韻和

### 石門驛女子

姓氏不詳詩見汪浩然燕遊彙草

#### 題石門驛壁

雲鬢風鬟亂曉妝淡雲孤月影微茫可憐薄命同秋草  
戎馬鞍中困海棠

汪浩然和詩由來薄命怨紅妝渭北江南信渺茫  
最是柔魂消不得合歡無復贈青棠柳色青青泣  
路妝咸陽何處恨茫茫假饒得遇韓夫子豈折長  
條碎海棠盤珠串珥學新妝夢斷深閨路杳茫馬  
上琵琶休訴怨肯留青塚亦甘棠枉自當年炫靚  
妝子今傳恨總宜茫若教鎖却梨花院誰許春風  
棠嫁野

### 西江怨婦

詩見登高一麟矩菴詩質中

題雄縣旅壁

新作盤頭卸漢妝銀環換却小明璫風塵改盡當時面  
不敢逢人說故鄉

寇盜西南未伏誅深閨紅粉有何辜君王倘若求民隱  
應使生還合浦珠

金陵女子

姓氏未詳

答人

失翅青鸞似困雞偶隨孤鶴到江西春風桃李空嗟怨

秋水芙蓉強護持仙子自居蓬島境漁郎休問武陵溪

金鈴掛在花枝上不許流鶯聲亂啼

堅瓠集金陵一女子新寡丰姿艷冶性敏善詩豫章賈人以厚貲娶歸其臥室傍隣樓鄰士以簪刺破牕紗投以詩云金簪刺破碧紗牕勾引春風一線長蠅蟻也知春色好倒拖花瓣上東墻女得詩大怒亦作詩裹以瓦礫擲之云云

阮翁婦

詩見西清散記

題土壁詩

花落山苔春復春古鏡未磨塵復塵夢長夢短身復身  
白雲如舊人復人



史震林西清散記冬日同夢覘游西崦北望茅峯南望髻嶺連岡起伏轉而愈幽歎曰此景須以澹園五字寫之夢覘曰歸即邀澹園續此遊也至山村有石如伏虎坐其背為高陽臺詞云三徑枯蓬雙溝淺水避人聊共徘徊巷闔門風旋葉聚成堆野田驚起鴉羣亂帶夕陽閃閃飛來望山頭餘火穿林燒盡寒柴壟頭宿莽堪哀有青青細草禁得霜摧凍蕊含香梅根葱翠生苔澹園竹老桑枝瘦想故人晚步誰陪夢魂中昨夜相逢今夜難猜暮借宿阮翁家呼少婦捧茶出年二十餘余問此翁女乎曰妻也余曰翁齒高矣娶女妻乎曰婦柔順忘余老也土壁間有詩云云翁指曰婦所題余未讀書不知何語也既歸再訪之其室已虛隣人言徙南山中矣

### 滄溟女子

浙江嘉興縣人

錢陳羣滄溟女子詩序畧女子不知何許人也美客色寡言語少學女紅窮師氏術好讀書博

獵經史尤喜弄柔翰無粉黛習氣里媒奇之一日謁女子若私有所請者女子不荅輒白眼相視遂終身不嫁所居瀕海之北自號曰滄溟女子滄溟為瀛洲津涯神人之所遊化靈仙之所窟宅女子以時登樓翩然有遺世絕粒之思讀列仙傳慕毛女之仙也而作詩以况之因畧序名媛俛仰悲歌凡得詩三十首其詩未嘗示人亦無從見其詩者楚曉巢子女子之姪余年輩友也余嘗詣曉巢座間得讀女子詩并得女子狀感謂曉巢曰女子不嫁於禮未適然而詩曰不從易云不字當踰墻窺穴時得一女子可以風矣曉巢然余言請于女子女子曰是細行也是拘方也是所謂天之刑人也曾何足掛士林之餘頰而隸風人之未議乎願謝爾友毋污我耳明日曉巢復以告余諒其志之無他而竊笑里媒之請為唐突也遂為序

### 詩選六

水晶簾捲翠樓空蝶影飛香入鏡中自摘梨花壓綠鬢

愛春風又怨春風

爲愛孤鸞顧影飛金針嬾作嫁時衣妾心一片清涼石  
不與天孫支錦機

水樓寂寂夜何如露冷雲香風影踈能照妾心惟有月  
清光濕透白芙蕖

細細涼風送寂寥月光如水夜迢迢梧桐樹上多么鳳  
不敢輕吹碧玉簫

欲消情孽煉虛形學誦蓮花妙法經楊柳枝頭春意盡  
願爲大士洗空餅

脫却湘裙著道衫不思仙子不思凡欲隨毛女同飛去

飲澗餐松棲碧巖

黃夫人

黃子才之室詩係徐廣文祖逖所遺

待燕

隨處紛飛自有緣秋風一片又經年韶華已過人間社  
踪跡何留海外天紫陌春深花正好玉樓聲靜日初偏  
漫因黃氏金釵擲消息沉沉故久延

春風

東風幾度繞簾鈎爲怯春寒不倚樓曳動柳腰醒舊夢  
拂開花面賣新愁有香難定雙飛蝶無雨能斜一片鷗

何處引人堪靜聽夕陽遙送笛聲柔

周汝梅次韻詩簷前戛戛響銀鈎知是東風入翠樓暗送暖香留暖圃輕吹春色鎖春愁珠簾斜颺拋梭燕錦浪層翻浴水鷗一片鶯聲何處好夕陽搖拂柳枝柔

采香女史

遊石鉢菴

羣峭摩霄漢春雲碧似烟筍輿閒裏到粥鼓靜中緣已

悟無生理羞叅杜撰禪憑闌凝睇好梅竹劇嬋娟

水曹清暇錄丙寅春予薄遊吳門天平山石鉢菴登一小閣壁間有采香女史題詩云云墨痕未燥書法纖媚詢之菴僧云頃有大家內眷數人來遊曾索筆硯想必題詩也惜無由考其姓氏書中偶檢得舊抄漫錄於此

郭姓妻

荅夫

碧紗窗下啟緘封尺紙從頭徹尾空應是仙郎懷別恨  
憶人全在不言中

隨園詩話郭暉遠寄家信誤封白紙妻荅詩云云

竹林女子

鑄竹上

春風吹動海棠花妾在花西第幾家家下清溪溪上屋

朝朝開戶浣輕紗

海昌詩林戊戌之春予拉數知遊妙果山側徑紆迴迤邐入山後桃花林穿林過小方池拜有明尙

書徐公墓時適於墓間見竹上以磁鋒鐫詩一首  
後署竹林女子戲題蓋不知其為何里人并姓氏  
為何如也予愛其詩詞雋雅歸而記此閱一年復  
至其處竹已為人伐去詩蹟亦不知消歸何處矣  
載筆之下  
為之悵然

宦家女

句

蕉心死後猶全捲蓮子生時便倒合

他生願作司香尉十萬金鈴護落花

隨園詩話余宰沐陽有宦家女依祖母居私其甥  
陳某逃獲訊時值六月跪烈日中汗雨下而膚理  
玉暎陳貌寢以縫皮為業余念燕婉之求得此戚  
施殊不可解問女何供女垂淚云一念之差玷辱  
先人自是前生宿孽其祖母怒甚欲置之死余以  
卓茂語再三諭之笞甥而以女交還其家搜其篋

有閩詞云云亦詩讖也隔數月後聞被戚匪胡丰  
賣往山東矣予至今惜之嘗為人題畫冊云云

寶店女子

題壁

極目蕭蕭易水聲一腔幽恨最難平燕丹已是無家別

枉指歸期馬角生

水曹清暇錄頃聞蕨塘戴主政璐見示已卯春時  
隨休寧金公畿南學幕晚駐寶店壁間見有女子  
題詩六首筆墨柔媚惜乎漫漶姓名剥落不可辯  
識僅有一首尚為完美其詩云云詞意凄惋急錄  
而藏之篋衍及至秋末回京  
重經此店則店壁已重粉矣

無名妓

句

臨岐幾點相思淚滴向秋階發海棠

隨園詩話有妓與人贈別云云情語也而莊蓀服太史贈妓云憑君莫拭相思淚留着明朝更送人說破轉覺嚼蠟

竹筠女子

宮詞

中官宣詔按新箏玉指輕彈別恨聲恰被東風吹散去

君王乍聽未分明

隨園詩話竹筠女子早卒自焚詩稿僅傳其宮詞云云高東井題云叢殘私字疊鴛鴦零落殘脂儘斷腸賴是六丁收不盡一編擎出返魂香

未亡人

遣悶

雁陳聲寒欲雪天挑燈獨坐思凄然米珠薪桂吾何慮

堪痛夫亡子病癩

小粉場雜識頃從錢唐門外湖濱見一小童手持片楮遊嬉閱之乃詩稿也自稱未亡人詢其根由童云得之隣家不知姓氏其詩云云漫錄於此

江陰女子

句

寄語路人休掩鼻活人不及死人香

隨園詩話本朝開國時江陰城最後降有女子為兵卒所得給之曰吾渴甚幸取飲可乎兵憐而許之遂赴江死時城中積屍滿岸穢不可聞女子嚙指血題詩云云

某婦

句

君且前行莫回顧高堂有妾勸加餐

隨園詩話余最愛言情之作讀之如桓子野聞歌輒喚奈何某婦送夫云云

西泠女史

名右卿攜妹小卿同舟赴楚路出皖城維纜大

觀亭下右卿登亭題詩小卿卧病舟中聞而屬

和并粘亭壁因流傳焉

題大觀亭

入楚才逢此壯觀春雲樹杪見朱闌空亭啼鳥山花早

古殿無人暮雨寒正苦浮家泛湘水那堪分淚寄長安

小喬况復愁欹枕每憶登臨放眼難

晚泊蓬萊江上寒高亭烟樹雨初殘今宵萬壑雲中見

昨日孤舟天際看小病支離空悵望何時風月倚欄干

片帆西去重回首寄語青山興未闌

失名

三兒繩祖從都門攜歸云得之於友人處

閨怨十首

以霜飄枝結淚花落蝶含愁折字為題

雨滴空階落井梧木蘭枝上歇啼鳥目中愁見清秋景

霜染楓林落葉枯

霜

西窗斜倚蹙雙眉示我寒秋裏素羅風透妾肌思萬里  
飄霜應到客途多

飄

木樨花發奈秋何十幅鸞箋寄恨多偶向紅闌閒處立  
枝頭風露濕輕羅

枝

絲蘿未固各東西士子當初羨紫泥口許歸期今不踐  
結成痴景打黃鸝

結

水晶簾捲罷看書戶內人眠綉幌虛犬吠籬中驚午夢  
淚沾紅袖暗嗟噓

淚

艸生紅檻碧於煙人影衣香盡可憐憐燕多情憐伴綉  
花殘滿地聽啼鶉

花

草深池榭碧芊芊水色盈眸又一年各有人來空問訊  
落釵虛自卜金錢

落

虫聲唧唧伴黃昏世景凄其欲斷魂木葉蕭條悲往事  
蝶衫猶認舊啼痕

蝶

人傳郎度白龍堆之子言歸尙費猜口唱刀環情脉脉  
含愁無語怯粧臺

含

禾黍離離鬢怯梳火雲西歛憶當初心憎隣女持花贈  
愁奈簪人正索居

愁

明湖妓

絕句

一夜瀟瀟雨高樓怯曉寒桃花零落否呼婢捲簾看

灤陽消夏錄益都朱天門言甲子夏與數友夜集明湖側名妓侑觴飲方酣妓素不識字忽援筆書一絕句云云擲于一友之前是人觀訖遽變色仆地妓亦仆地傾之妓蘇矣後徧問所親迄不知其故

梅田女史

題永安寺壁

靈妃齊駕玉龍回留得清陰滿綠苔來歲春風一相待  
囊琴便約嬾仙來

隨園詩話永安寺壁上有梅田女史題詩云云

某氏女

句

千古綱常在貞節女兒原不是門楹

見山樓墨詒松江某氏女字人未嫁夫死殉節作絕命詞數首友人傳來僅記二句雖近於俚然能知大義殊可嘉也邑人張茂才與載有輓詩云鴛鴦相望願雙飛惡耗傳來志竟違緣會他生休再卜人天此日總同歸菱花劈破喪情苦錦字留題血淚揮難得貧家着貞孝九原心尚眷庭幃

慧兒

句

關心兩字是鴛鴦

廣新聞虞山生某年弱冠貌韶秀性甚佻達因父母相繼沒依舅氏某家某居蘇城有女慧兒年及笄曼麗無偶勿嘗讀書能吟詠兼工小令黃九泰七意頗自許某愛同掌上珠為築小樓居之樓三



楹四圍都植花木如梅如桃李如桂如茶蘼紫藤  
 之屬花時媽紅膩碧芳嗅襲人中列文具斐几湘  
 簾無不精雅脩潔生居逾月未得一見慧兒心甚  
 慕之曰見某徘徊于庭有憂色生詢之曰爾妹偶  
 有疾是以煩耳曰妹有疾甥當愈之生固不省  
 醫藥妄為是以言冀得見慧兒某聞言大喜遂引生  
 登女樓女不可風隔幔出腕令生診罷出偽為某曰  
 山真面目意殊快悒遂出診罷撮成一方女飲  
 觸微病一劑可愈甚稱其能生酒揖生曰添居親串  
 之及明果愈某甚稱其能生酒揖生曰添居親串  
 某殊澹然及晚盛設肴核酌酒揖生曰添居親串  
 一杯水恐不足報橘泉惠也生不得已盡數盞辭  
 出獨坐不寐見微月印窗紙竹翠搖動生乃出戶  
 小步忽聞吟聲心異焉尋聲而至落紅一逕餘香  
 拂來架上薔薇花矣偶舉首間覺已至樓下隱隱  
 吟聲仿佛如天際吹落生意吟者慧兒無疑側耳  
 墻角音漸不可辨但聞末後云云生得此句一夜  
 不能成寐天甫曉即步至樓下良久慧兒起推窗  
 理曉粧生窺自樹影中枕印猶紅鴉雲半敲洗盡  
 鉛華得見美人本色生自耀神迷意不自生遂倉

皇出漸與慧兒近眼輒挽慧兒論詩慧兒意少所  
 自由笑吟曰鴛鴦于飛何如慧兒若小省曰亦祇  
 可平生曰此詩特佳妹自不關心耳慧兒意有所  
 覺面微頰不語低首拈帶而已生欲犯之非敢孟  
 浪余慕卿色亦愛卿才敢乞墨審餘香作曲流紅  
 葉則願兩足矣慧兒唯唯即舉筆寫如夢令一曲  
 與之末後有惆悵惆悵芳草天涯人往兩句生惡  
 其識慧兒已入室矣及某返慧兒令生請于父生  
 諾之越數日慧兒又促生身無立錐地家無擔石  
 有區區在也余一介書生身無立錐地家無擔石  
 儲母舅愛卿豈肯令作貧家婦耶慧兒問需若干  
 生曰非千金不可慧兒將歸營室宇而遣媒議事焉  
 辭某去陰告慧兒將歸營室宇而遣媒議事焉  
 歸有無賴子數輩拉作狹邪遊日事狂蕩不半載  
 囊已罄矣慧兒日望其至杳然無音耗一日有虞  
 山客來慧兒竊喜必議婚者伏屏後聽之乃知為  
 生族叔并金浪擲迨盡矣女聽之大驚知為生所  
 處得來千金浪擲迨盡矣女聽之大驚知為生所

惑悔恨無及又恐父廉其事遂一慟而經女之死  
生猶戀紅樓好夢也忽見二鬼卒持票拘生言為  
慧兒所控生問控何神曰控本處土地生曰柰何  
鬼卒曰汝具牲酒獻事可緩生醒訪慧兒耗已自  
經死大懼乃即具牲酒禱于神越數月生卒無恙  
一日生獨坐見女闖然入詈生曰負心賊始賺我  
終棄我既取我財又速我死狗彘不食汝餘今我  
控上帝救關聖施行豈汝豚蹄奉所能乞免者言  
訖女遂不見忽雷電交震將生攝空  
尸裂而墮是日土地鬼卒亦為雷擊

### 富室女

#### 咏虞美人花

虞兮歌罷恨難沉草化菁英直至今風動未能忘楚舞  
露零猶似泣垓心根憐赤帝炎威逼花濺烏江劍血深  
縱使重瞳愁盡釋也應開不到淮陰

廣新聞維揚某生望族也父宦於京師生幼聰穎  
美丰姿年十四即領羈庠凡試輒先登邦人士俱  
有乘秋鵬鵬之目其母尤愛憐之每欲得佳婦以  
為配然窺生意鮮所當可者因未果隣有富室女  
少生一歲綠髮覆額娟好如玉人能吟詠生偶于  
複道間望見之遂屬意焉侍愛達于母母曰是女  
吾雖未見然吾家婢某曾過園折虞美人花見之  
並傳其咏虞美人花詩一首雋雅可喜是誠佳配  
然此事必汝父主因書達於父父怒曰牧猪奴乃  
欲與吾結秦晉耶不可生得書悵悵無已因作詩  
託母婢通於女女覽之淚泫泫下蓋是女亦心慕  
生如生之慕女也因作詩覆之自是雲箋錦帨日  
相往還然富室多奴僕重門嚴扃無由作合况事  
已無可柰何女遂鬱鬱以死生聞其棺寄城外蕭  
寺因請于母曰棘圍在邇家中多俗事相擾意欲  
于城外僧舍作攻苦計母從之令二童子偕往生  
留其一至寺中即於停柩之東廂寓焉朝夕焚香  
設食夜讀至人靜鮮有不飲泣失聲者一日童子  
偶歸生忽不見至三日杳然生家疑僧之或有他  
故而遂至死之也訟之官官又得其父書逮僧至

拷掠無完膚竟誣服然屍未得終成疑獄適張真人因朝覲歸過其地僧之徒往曰其寃真人曰是不難可于汝寺中擇淨地結壇余當親往僧因悉召其兩家父母來法官賚青詞作法者三日至四日午後真人自入壇焚香展拜是日觀者如堵俱相視竊笑其無驗言未已忽於天高日晶中雷震一聲眾俱駭愕伏地若有一物甚大擲於臺前眾視之乃女柩之蓋遂群至停柩所視之見二屍在焉顏色如生作橫陳狀動之固結不可解兩家父母遂卜地合葬平山堂西偏厚贈其僧康熙二十幾年事真人吳門韓太史婿韓氏言之甚詳其所咏虞美人花詩附錄於後

徐煥龍媳

句

風動春衣欲化雲

炙硯瑣談徐右雲煥龍荆溪名孝廉也其子婦某吳人工詩早卒有句云云一時傳誦比於迦陵人

在東風二  
 月初云



